





烏絲詞



烏絲詞序

江都宗元鼎定九撰

丙午之秋余與陳子其年俱落第後會黃
山孫子無言意欲以吾兩人詩餘梓以行
世者嗟乎余與陳子少志觀光許身稷契
意謂有神之筆庶幾致君堯舜上再使風
俗淳誰知蕭條瓠落而與鶯嘴啄紅燕尾

點綠爭長于鈎簾借月染雲爲幌之間豈
吾兩人之志哉陳子嘆曰是亦何傷丈夫
處不得志正當如柳郎中使十七八女郎
按紅牙拍板歌楊柳岸曉風殘月以陶寫
性情吾將以秦七黃九作萱草忘憂耳雖
然昔裴休爲相李羣玉能詩薦授校書郎
而陳去非長于歌詞亦爲高宗所眷注孰

謂詩詞一道何嘗不得知已于天子宰相
哉彼尤尚書謂程正伯之文每過于詩說
者以爲是時當塗諸公方且以文章薦正
伯尤公之言可謂識正伯之大者但不知
代往年遙此事可傳而復可見否耶爲勸
陳子生逢堯舜垂翅青冥此意宜付之悠
悠曠士之胸且暫往東臯與汝石交辟疆

冒君每得一好詞如沈廉叔陳君寵輩付
蓮鴻蘋雲品清謳爲一笑樂冬季歸陽羨
當復借紫雲相伴又何減堯章過垂虹橋
畔小紅低唱我吹簫也至于裁雲縫月之
妙手敲金戛玉之奇聲驅遣齊梁輿臺溫
李則又當世傳寫織帕機房不必待余揚
扈矣時窮冬凜冽不亞改之寒甚手顫時

陳子幸爲余沽酒

烏絲詞目次

小令

竹枝 四首

如夢令 一首

相見懽 一首

點絳脣 二首

浣溪紗 一首

卜算子 一首

柳含烟 一首

望江南 十首

長相思 一首

調笑令 七首

女冠子 二首

菩薩蠻 十首

減字木蘭花 十二首

好事近 一首

荆州亭

一首

眉峰碧

一首

武陵春

一首

阮郎歸

一首

桃源憶故人

二首

攤破浣溪紗

二首

朝中措

一首

海棠春

五首

眼兒媚

一首

三字令

一首

極相思

一首

河瀆神

一首

西江月

三首

少年游

一首

偷聲木蘭花

一首

茶瓶兒

一首

憶秦娥

一首

憶餘杭

一首

醉花陰

一首

雨中花

一首

雨中花

第二體
一首

杏花天

一首

鷓鴣天

二首

摘紅英

一首

南鄉子

一首

玉樓春

一首

虞美人

二首

夜行船

一首

醉落魄

一首

踏莎行

二首

虞美人

第二體
二首

七娘子

一首

中調

臨江仙

二首

蝶戀花

十一首

唐多令 二首

攤破醜奴兒 一首

漁家傲 二首

定風波 一首

青玉案 三首

隔浦蓮近拍 一首

風入松 第二體 一首

祝英臺近 一首

送入我門來 一首

紅林擒近 一首

驀山溪 二首

蕙蘭芳引 二首

早梅芳近 一首

簇水 一首

步月 一首

魚游春水 一首

宣清 一首

法曲獻仙音 一首

東風齊着力 一首

絳都春 第一體 一首

長調

滿江紅 三十三首

滿庭芳 一首

鳳凰臺上憶吹簫 二首
水調歌頭 二首

夏初臨 一首

入聲甘州 一首

倦尋芳 一首

玉人歌 一首

八節長歡 一首

閨怨無悶 一首

瑣窓寒 一首

花犯 一首

念奴嬌 九首

瑤花 一首

高陽臺 一首

東風第一枝 一首

解語花 二首

夜合花 一首

換巢鸞鳳 一首

曲游春 一首

絳都春 第二體 一首

石州慢 一首

玲瓏四犯 一首

霓裳序中第一 二首

憶舊游 一首

齊天樂 一首

水龍吟 一首

瑞鶴仙 二首

南浦 一首

氏州第一 一首

綺羅香 二首

金盞子 一首

永遇樂 一首

尉遲杯 一首

二郎神 一首

二郎神 第二體 一首

合歡帶 一首

花發沁園春 一首

瀟湘逢故人慢 二首

泛清波摘遍 一首

擊梧桐 一首

一萼紅 一首

薄倖 一首

風流子 一首

翠樓吟 一首

小梅花 二首

女冠子 第二體 一首

洞庭春色 一首

玉山枕 一首

沁園春 五首

入歸 一首

摸魚兒 一首

賀新郎 七首

夏雲峰 第二體 一首

引駕行 一首

蘭陵王 一首

十二時 一首

大酺 一首

多麗 二首

箇農 二首

夜半樂 一首

六州歌頭 一首

小諾皋 一首

寶鼎現 一首

怨朱絃 一首

三臺 一首

拋毬樂 一首

稍遍 一首

戚氏 一首

鶯啼序 一首

共一百三十八調二百六十六首

烏絲詞 卷一

宜興陳維崧其年撰

武進鄒祗謨程邨

評

新城王士禛阮亭

休寧孫 默無言較

小令

竹枝

粵東詞

番君廟後竹枝鷓鴣飛女兒素馨花落竹枝蠻娘歸女兒

詞系同

卷一 小令

留松閣

花田三月竹枝黎人多女兒珠江無風竹枝春自波女兒

羅浮人家竹枝紅蕉布女兒誰裁郎衣竹枝儂所作女兒

檳榔酒釀竹枝鬱林春女兒鬱林兒女竹枝多絳唇女兒

程崑崙云古
囑似樂府

望江南

歲暮雜憶

江南憶。憶得上元時。人鬪南唐金葉子。街飛北宋鬧蛾兒。此夜不勝思。

王阮亭云
寫得好

前題

江南憶。最憶善和坊。猿臂醉擎劉白墮。鶯喉嬌唱小秦王。花月去堂堂。

前題

江南憶。小小住長洲。夜火千家紅杏幙。春衫十里綠楊樓。頭白想重遊。

前題

江南憶。白下最堪憐。東冶壁人新訣絕。南朝玉樹舊因緣。秋雨蔣山前。

前題

江南憶。懊惱是西湖。秋月春花。錢又趙。青山綠水。越連吳。往事只模糊。

前題

江南憶。更憶是蕪城。蘭葉寒塘。盤馬路。梨花微雨。築毬聲。風景逼清明。

前題

江南憶。憶殺到如今。白玉堂深。人一笑。真珠簾。煖夜千金。十載尚關心。

前題

江南憶。最好是清飲。一曲琵琶。彈賀老。三更絃索。響柔奴。此事艷東吳。

前題

江南憶。畫畫最風流。白屋山腰。烟內市。紅闌水面。雨中樓。樓上漾簾鉤。

鄒程邨云
得母太譽

前題

江南憶。不羨五侯鯖。狎客後堂。春說餅。厨娘小閣。夜嘗

羨。鋪。歡。足。平。生。

王阮亭云
老饕不惡

如夢令

贈友

記。得。西。陵。小。弄。風。裏。金。鞭。雙。控。今。日。又。逢。君。恰。值。春。波。
微。動。如。夢。如。夢。白。髮。何。戡。情。重。

長相思

贈別楊枝

淡。金。卮。閣。金。卮。不。是。樽。前。抵。死。辭。今。宵。是。別。離。
撚。楊。

枝。問。楊。枝。花。萼。樓。前。踈。地。垂。休。忘。初。種。時。

王阮亭云髯每與楊郎
詞愈密情愈踈何也

相見懽

初夏行舟

睡。餘。獨。自。推。篷。海。陵。東。一。帶。人。家。都。住。柳。絲。中。
黃。菊。
屋。清。江。曲。綠。蓑。翁。正。是。雨。餘。斜。閣。水。車。紅。

調笑令 第二體

咏古 張女郎

張。家。二。女。天。人。姿。西。風。秦。隴。吹。空。祠。吳。興。瘦。沈。

美風調。邂逅一笑難為持。客亭愴怳嬋娟子。翠
憶珠斝去如駛。酒坐琴聲筓篔聲。姊妹雙雙落

紅水

紅水啼難正。美罷筓篔相顧起。女郎祠掩西風裏。綉幌
明簾徙倚蘭香。姨與智瓊姊妹。懷恨多年同此。

王阮亭云結二語本傳
元妙融化入倚聲尤佳

前題 汜人

湘中蛟娣號汜人。楚天冉冉紅羅巾。一鈎曉月
洛橋下。風光冶麗偏相親。別來愁緒紛難理。鄂

渚微波嬉上巳。烟裙霧髻驚森叢。畫艫回首人
千里。

千里湘中水。江面微風翻繡被。輕別玉娥歸去矣。淚滴
龍堂青綺。十年重邁蛟宮娣。愁絕楚天上巳。

王阮亭云楚
天上巳佳

王西樵云淚滴龍堂
青綺六字亦有異色

前題 菑奴

崔家女弟世所無。彈箏自命為菑奴。重泉猶作
人間曲。摧藏掩抑聲嗟吁。當時舊事心猶省。長

秋一曲紅窗影。夢裏曾陪元舍人。銀箏。凄苦人。清冷。

清冷。虛無境。手撥銀箏。心自省。長秋一曲紅窗影。絃裏分明悲哽。泉臺不少人間景。後苑君王巡幸。

前題 安妃

九華安妃游玉御。交裙攜帶招帝郎。情纏雙好。發朗唱。紫清瑣掖排銀房。楊羲自是神仙子。不比人間許長史。左宮亦有王夫人。紅顏調笑斟。

瓊醴

瓊醴調芳旨。天上風流聊復爾。楊家自是神仙子。雙笑歡兼昔旨。一幅青書鸞鳳紙。為授真妃靈紀。

王西樵云許景樊游仙詞有韋郎年少心慵甚不寫紅綃五岳圖之句余甚愛其語此詞神艷又過許詩

前題 劉麗華

通波亭畔風日清。會稽王子愁經行。中流佚女。遶烟舫。波光臉態交盈盈。風吹裙帶紅絲纏。筓篥歇拍聲聲顫。西軒夜靜月又低。春條為爾歌宛轉。

宛轉羞相見。月白風清人婉孌。洛靈羅襪來波面。良夜

隨郎游衍。小婢筵篔歌。又顛徙倚春流都徧。

前題 蔡家娘子

西堂花茵儂好持。此間風月堪詠詩。溢奴小兒
若冰雪。紫綬錄酒饒神姿。竟陵判司大懊惱。夜
寒空館眠難好。翠簪膩滑促傳觴。口吃微聞喚
鸞老。

鸞老頭。涵好善。謔羣真。堪絕倒。夜寒空館人聲悄。地下
為歡須早。南隣娘子翹翹小。共汎玻璃清醪。

王西樵云地下為歡須早又似為
酒不到劉伶墳上土下一轉語

前題 瑤芳公主

槐安貴主名瑤芳。穠春遊戲搖鳴璫。相牽貪看
石延舞。寺前暗調淳于郎。蘭摧玉折一何苦。青
春又葬同昌主。淮南裨將慣酒悲。慟哭繁華黯
無語。

無語奈何許。憶在寺門魂暗與。布衣真向瑤芳主。一霎
日斜歸去。大槐安國飛紅雨。腸斷舊游何處。

王阮亭云措大如此足矣何必又爾說夢。家兄
作調笑令七闋僕常歎其極工得髯作一時瑜亮

點絳脣

阻風江口

濁浪堆空。暨陽城下風濤怒。水車鐵柱。隱隱轟吳楚。獨眺君山。且共春申語。愁如許。一杯酌汝。同看蛟龍舞。

王西樵云字字有英雄氣覺爾時鬚眉顧盼都自不凡

王阮亭云鯨波噉口何以逾此

咏枕

憶得年時紅綿粧。疊紅粧。灑。笙囊綠揜濃。笑釵痕閃。說盡山盟。不料巫雲歛。殘荷燄斜鋪。楚簟多了啼紅點。

丁西樵云濃笑釵痕閃五字妖甚

王阮亭云花間字法

女冠子

本事

黃絀剪就。幄上鴛機刺繡。鎮歲粧。水綠青溪廟。花紅白石祠。惜惜春似夢。漠漠雨如絲。仙洞胡麻熟。有誰知。

王西樵云水綠花紅十字牛嶠諸人所不能為

前題

始。青。天。上。小。織。龍。綃。幾。兩。路。蒞。蒞。度。海。雲。鬟。亂。還。宮。繡。帶。長。瓊。枝。春。裊。裊。金。磬。夜。琅。琅。撥。盡。天。風。曲。說。興。亡。

鄒程邈云曹
唐小游仙曲

浣溪紗

贈王郎

十五吳兒渲額黃。鸞笙炙罷口脂香。依稀記是小王昌。
未解褰簾通暗語。已能映柱惱迴腸。箇儂年紀未須防。

王阮亭云第五語未可令
阿徐見之。賴有末句耳

菩薩蠻

題青谿遺事畫冊同程邈金粟阮亭文友賦

乍遇

流蘇小揭人初起。博山烟裊屏風裏。紅日映簾衣。梁間
玉剪飛。迴眸驚瞥見。笑倚中門扇。准擬嫁文鸞。燈花
昨夜雙。

前題 奕棋

象牙局上金星吐。香閨戲博紅鸚鵡。深院對挑棋。厭厭
春晝遲。娘輸籠玉手。佯靠紗窗口。細撚柳綿兒。花冠
報午時。

王西樵云未二
語殊有味外味

前題 私語

銀河斜墜光如雪。碧虛淺浸天邊月。月色太嬋娟。行來
剛並肩。闌干渾倚倦。小漾裙花茜。風細語難聞。亭亭
雙璧人。

前題 迷藏

後堂恰與中門近。當時日傍飛蟬鬢。猶記捉迷藏。水晶
庭院涼。侍兒前後邏。何計將他躲。匿笑顫花枝。鞋尖
露一絲。

王西樵云鞋尖露一絲妙
所謂動人春色不須多也

前題 彈琴

迴廊碧甃芭蕉葉。鴨鑪瑞腦薰猶熱。春笋抱琴彈。一
金雁寒。聲聲鬆寶串。彈到昭君怨。促柱鼓瀟湘。風吹
羅帶長。

前題 讀書

秦淮水閣多斑竹。平康院院燒燈讀。竹響似行人。檀郎
迴顧頻。恰逢紅粉面。送茗來瓊扇。剛是早回頭。夜深
儂睡休。

王西樵云夜深儂睡休輕輕五字妙于
要郎覺紅袖遮銀燭便是有女兒態

前題 潛窺

風急楚天秋。日落吳山暮。烏柏紅梨樹樹霜。船在霜中
住。極日落帆亭。側聽催船鼓。聞道長江日夜流。何不
流儂去。

蘇州減字木蘭花

秋雨過紅板橋

當年此地銷魂事。妙舞清飲。不是柔奴定態
奴。西風古道二十年來人漸老。漠漠迢迢。秋雨重經
紅板橋。

王阮亭云此種心
情惟吾輩爾爾

渡江宿弟斐玉家

江南江北握手相看那易得。今夜重逢。翠篠黃花伴燭
紅。浮杯大嚼顧我何如家。弟樂車馬湖邊。明月西風
絕可憐。

廣陵旅邸送三弟緯雲南歸

佛狸城下兄弟禪房通夜話。紅土山頭。兄往吳陵弟毫
州。一鞭春暮重過竹西三日住。江上斜暉弟作歸人
兄未歸。

又送四弟子萬

前年飛絮我到故園君已去。今歲青山君又南行我未還。吳雲鄂樹淚灑臨歧無一語。再唱離歌六幅蒲帆奈汝何。

又送五弟阿龍
阿龍最小失母隨兄偏了了。六歲離鄉今日重逢斷我腸。阮家姑母猶子情深思汝久。此去相依莫以懷吾淚濕衣。

王西樵云三作至情語
絕異雕飾讀之感人

歲暮燈下作家書竟再繫數詞楮尾

天涯飄泊湖雨湘烟無定著。暗數從前汝嫁黔婁二十
年。當時兩小樂衛人誇門第好。零落而今累汝荆釵
伴藁砧。

前題

余年二十粗曉讀書兼射獵。三十蹉跎鼓瑟吹篴奈若
何。堪憐阿堵垂老詎曾親識汝。溝水東西何用男兒
意氣爲。

前題

今年離別石畔梅花開似雪。駿馬馳坡又見流光換碧

羅。歸鞍暫息。看汝機邊還作織。秋月當頭。重附租船
江岸遊。

前題

地名破冢。郭璞墓前波浪洶。細剔銀缸。話盡秋宵角枕
涼。橘紅橙綠。九月敬亭山畔宿。水鳥斜飛。又逐孤篷
一夜歸。

前題

曲阿湖上。重看穀紋平似掌。及到邗溝。絲雨斜風水驛
愁。敗荷衰柳。且買高郵紅玉酒。羣盜如毛。月黑隣船

響箭刀。

前題

吳霜點鬢。客况文情都落盡。檢點行裝。淚滴珍珠疊滿
箱。并州曾到也。擬開懷還一笑。塵務相牽。執手雲郎

送上船。

王阮亭云。執手雲郎送
上船不可令閨中聞之。

前題

客航風雨冷。雁濕猿齊夜。語欲作家書。腹轉車輪一字
無。經年如此。愁裏光陰能有幾。預報歸期。又在梅開

似雪時

王阮亭云數首叙致俛仰頓挫可觀相如憤臆定復不惡

柳含烟

本事

靈和柳。美晴春。輕颭江南綠水。東風陌上。又河邊得人。憐。亂搭瓊樓絲一把。故與玉郎牽惹。而今香絮滾斜。暉幾時歸。

鄒程邨云宣宗當以一枝種禁中矣

好事近

坐姜家墩懷呂黍字

閒坐竹林邊。綠暗暮禽啁晰。跂脚科頭笑傲。更主人投轄。萬竿叢篠晝陰陰。風動聲敲。憂憶昔悲歌痛飲。有踈狂呂八。

荊州亭

題扇上琵琶行圖

苦竹黃蘆想像。湓浦潯陽。悵悵半幅小丹青。畫出東船西舫。白傅青衫已往。商婦琵琶猶響。無限斷腸聲。只在行間紙上。

眉峯碧

春夜見新月

寶馬縈簾押金斗薰珠裕。一團醉玉怯春寒。斜向紅裯
壓。無語拋銀甲。且自偎香鴨。半鈎纖月柳梢頭。問誰
偷。把青天。招。

鄒程邨云險韻似

于湖醉落魄詞

武陵春

舟次虎丘

四面吳山爭窈窕。濃綠卷歸舟。寺外人家橋上樓。春水

盡情流。主簿祠前斜日漾。惹起舊時愁。石上苔痕青

未休。曾做少年游。

王西樵云前段之警在盡情
二字後段之警在曾做二字

阮郎歸

為靈籬題畫

吳綾一幅滑如脂。江南好畫師。長松幾樹碧離離。斜添
斑竹枝。烟似水。雨如絲。梅花簾外垂。更題半闕斷腸
詞。樊川杜牧之。

桃源憶故人

人日感舊

畫簾垂處春光亂。百感最難消遣。記得風斜彩燕。小立
珍珠院。歲華又到粘鷄宴。砌下春蘭尚淺。人日春人
不見。日近人兒遠。

鄒程邨云妙於
長安遠多矣

春日過澹生較書所居舊址

酒闌曾過平康宿。風颭繡簾簌簌。紅板橋連西曲。微雨
櫻桃熟。而今風景傷春日。不見沿溪花竹。薺麥平疇
搖綠。蛺蝶和烟逐。

鄒程邨云碧鷄坊紅
鴨橋何曾有此光景

攤破浣溪紗

雨泊秦郵

十頃孟湖碧似烟。四圍蒲稗水連天。渚鳥羣飛聲格格。
戲長川。獨對烟波思往事。那堪風物又殘年。且貰秦
郵城下酒。撥湘絃。

冬閨

綺疏六扇掩玻璃。花影杳思漾。衾衣學結翻荷新樣髻。
日將西。有恨篝前銀鴨睡。無情筆上鈿蟬啼。獨對水

仙花絮語太悽迷。

朝中措

平山堂懷古用歐公原韻

我來弔古傷隋宮。板渚雨濛濛。依舊平山堂外，淡烟疎柳長空。年年此地，漫天榆筴，著地東風。大息韶華幾換，游人猶想仙翁。

海棠春

閨詞和阮亭原韻

曉粧

春閨金麥微微響。青鳳脛輕移。銀網睡眼恰初開。一片

紅酥漾。隣姬眉黛遙山樣。怪昨日邀儂相賞。遮莫纔

簾前有箇人。張敞。

王西樵云。殊不

忿隣姬驕色。

前題

午睡

惺忪春夢何時足。拚畫揜銀屏六曲。繡倦歇。鴛鴦針。藏在沉香褥。藕花衾壓桃花肉。微睡醒低呼小玉。何處弄琮瑤。似憂瀟湘竹。

前題

晚浴

韓馮啄破鞦韆影。瓊扇裏春醒初醒。半晌卸金蟲。小試

蘭湯冷。後堂憎殺青銅鏡。怕照見雲鬟未整。莫道少人窺。天上堆金餅。

王西樵云天上堆金餅韻險語妥直令和者闍筆

前題 夜坐

紅蕤枕上啼紅雨。且坐聽玫瑰雙杵。纖手剔蘭煤。樓外賓鴻語。馬蹄連夜堂堂去。偏無賴三更譙鼓。難捉是蕭郎。不比牀頭塵。

王西樵云捉字自作不僅以雙關見妙

題美女圖為閨人稱壽

烏絲詞宜興
陳維松撰留
松閣四家詩
餘本四卷一冊

智瓊年小逢珍偶。多少事燈前酒後。夜合自開花。搖動珠簾口。檀奴笑覓南朝手。圖倩女為娘稱壽。一笑溜橫波。媚靨紅於酒。

眼兒媚

過城南小曲感舊

青樓斜拂小春池。池上綠楊枝。態奴歌管。念奴絃索。唱盡新詞。重來行過章臺。往事少人知。半湖碧浪。滿園斑竹。萬種凄其。

王阮亭云更無人跡有苔錢情事爾爾

三字令

閨情

紅粧枕卓金車。兩相於。酒醒後。夢來初。挽郎袂。郎欲去。且徐徐。煩塞馬。倩江魚。寄他書。休信宿。莫躊躇。錦鷄城。金雁驛。是郎居。

王西樵云此調難得如此摇曳如意

極相思

夜飲友人所阿雲待余不至留詞而去歸後和之

如塵如夢如絲。脉脉意誰知。歸來恨晚。休搖屈戌。慢叩呆魚。一陣碧虛窗外雨。三通鼓人去多時。空留彩句。空花箋淡。鳳脰燈欹。

河瀆神

題秦郵露筋詞

湖上水連天。湖光捲盡寒烟。玉娥一去幾千年。盡日凝粧儼然。漠漠雨絲飄碧瓦。人在女郎祠下。一樹紅梨。開謝明朝。又是春社。

王阮亭云李文山李義山

小令

留松閣

西江月

咏史

姊妹猗兒孫策。妹歸顧曲周瑜。雀臺高處瞰三吳。羨爾清歌妙舞。一望江東人物。孝廉枉逞雄圖。朱桓前掇大王鬚。文有才高子布。

王阮亭云陳林道何足多歎。西樵有詞題二喬觀書圖云公瑾伯符皆不俗知無一事縈心曲僕極歎其妙與髯雙壁

過投金瀨懷古

有女江頭擊絮。何人道上吹篴。我來弔古悵空祠。曠望

幾重雲水。覆楚爭誇伍相。沼吳又說西施。淮陰往事亦如斯。成敗皆由女子。

王西樵云末語比擬切甚成敗皆由女子六字伍相淮陰之外更無第三人可用

題六合孫公樹捧書圖

公樹伯觀先生孫先生官舍人賜書最多

李白開元供奉。當年恩禮偏隆。賜書稠疊出深宮。玉軸牙籤鄭重。絕妙文孫才調。翩翩王謝門風。捧來亂帙悉當胸。月落華清如夢。

少年游

感舊和柳屯田

奉誠園內小斜橋。曾記近花朝。簸錢庭院。築毬天氣。春草綠裙腰。而今不道。心情換。飄泊墮江皋。眼底人疎。心頭事滿。斜凭木蘭橈。

程崑崙云春草綠裙腰眼底人疎心頭事滿造語遣詞天然工妙

王西樵云人疎事滿語警情深

偷聲木蘭花

懷戴无忝客成都

前年建業秋將暮。今歲蠶叢春又去。別後思君。望盡南天不見雲。竹郎祠畔紅棉好。濯錦江頭紅鯉少。湘雨

巴烟不寄成都十樣箋。

茶瓶兒

咏茗

綠。菴。茗。溪。顧。渚。拍。茶。婦。繡。裙。如。雨。攜。香。茗。輕。盈。笑。語。記。得。鮑。娘。一。賦。邀。陸。羽。煎。花。乳。紅。閨。日。暮。玉。山。半。醉。繡。

幃護且消酪奴佳趣。鮑令暉有香茗賦

王西樵云明遠妹賦正坐不傳故令人想耳即傳慮亦非髯敵也

憶秦娥

夢至石城盤馬覺後賦此

桃花埽。依稀醉犯青溪雪。青溪雪。草頭一點玉驄明滅。
驃騎桁前人欲別。錦衣倉後鐘初絕。鐘初絕。一場春
夢。曉鶯時節。

憶餘杭

東臯客舍待毛亦史不至

一樹梅花千頃碧。耐盡春寒。眠不得。閒愁如雨。雨如愁。
點點在心頭。飄零心事誰知道。又是天涯寒食到。春
江盡處是婁江。日斷水雲鄉。

醉花陰

重陽和漱玉韻

滿院黃花趁白晝。絲雨篩銅獸。今夜是重陽。不捲珍珠
陣。陣。西風透。一從秋怨關心後。淚點輕羅袖。坐怕小
樓寒。慢去登高坐。到鑪烟瘦。

雨中花

雨中看桃花

絲絲香雨催儂去。依依人柳留儂住。住也無聊。去還有
恨。去住渾無據。今歲桃花千百樹。去年人面應非故。
萬點臙脂。一行清淚。總是消魂處。

雨中花 第二體

咏薰籠

一架紅篝涼似水。相偎靠玲瓏莫比。斑竹無塵。踈篁偏瘦。小鴨中間睡。縱向彤奩多轉徙也。只在簾前被底。繡慢縈時。錦鞋閣處。往事難提起。

鄒程邨云縱向彤奩二語大似巧謎
綉幕以下十三字便在題中題外矣

杏花天

咏滇茶

穠春冶葉朱門裏。美東風紅粧初試。殘鶯天氣香綿隊。

怱悵最宜看此。見多少江南桃李。斜陽外翩翩自喜。

異鄉花卉傷心死。目斷昆明萬里。

鷓鴣天

贈吳中狎客

白帽紅靴態可憐。短簫橫笛興翩翩。曾教錦瑟房中曲。慣請朱門灞上田。人似月夜如年。何須彩筆賦甘泉。朝來燭淚堆紅雨。猶擁廬兒醉意錢。

秋日撥悶作

一派涼秋似鏡湖。西風蕭瑟雁啣蘆。樓頭竹暗晴難妥。

枕底橙香酒易酥。傷老大。笑髯癯。霜紅露白轉躊躇。鰓魚苦笋。欄街賤。不見鉗奴并態奴。

程崑崙云新警

語不可多得

鄒程邨云鉗奴態奴

方是一對好夫妻

摘紅英

咏落花

真珠絡。倉琅鑰。如塵似夢連天落。香車暝。朱闌凭。留他不住。喚他不應。花前約。春前諾。玉娥含淚思量著。粘犀釘。鋪鴛徑。憎他蕩子。憐他薄命。

南鄉子

咏春蘭

三月玉街寒。錦雨絲絲不肯乾。飄得賣花聲到了。春蘭一種清芬。勝麝檀。對此憶家山。手折紅苕不忍看。還記那年寒食夜。幽歡。人在花香鬢影間。

王阮亭云章法絕妙。花香鬢影。

影寫得宕漾。花與人為一為二。

玉樓春

生日邀陸景宣。崔不雕。飲廣陵酒家。醉後題壁。天涯作客傷心極。廣陵花月無消息。百錢且上酒家樓。

終○當○埋○我○陶○家○側○。此○兒○自○是○難○衣○食○。相○逢○幸○是○曾○相○識○。左○呼○陸○厥○。右○崔○駟○。四○十○今○年○余○竟○得○。

王阮亭云人不可以無年故是王長史所歎

虞美人

渡江

白○蘋○花○盡○凋○寒○玉○。舴○艚○搖○空○淥○。秋○潮○恰○比○簟○紋○平○。趁○此○日○斜○風○細○。剪○江○行○。最○憐○黃○歇○墳○頭○土○。多○少○今○和○古○。年○來○生○怕○說○興○亡○。笑○指○楚○天○新○雁○兩○三○行○。

咏鏡

香○奩○涼○鑑○蟠○金○獸○。背○壓○蛟○螭○鈕○。玉○人○偏○妬○小○菱○花○。慣○是○團○圓○兩○字○不○如○他○。翠○鸞○莫○道○心○如○鐵○。春○笋○曾○提○挈○。紅○塵○浣○處○奈○他○何○。我○亦○受○人○憐○惜○為○人○磨○。

王西樵云團圓則異磨則同人信不如鏡矣

夜行船

月下汎舟水繪園同冒巢民先生賦

蘭○橈○輕○點○春○流○碧○。蘸○垂○楊○絲○絲○無○力○。百○頃○簟○紋○一○泓○香○。黛○人○在○短○篷○吹○笛○。更○愛○月○華○波○上○白○。影○娥○池○水○禽○飛○。拍○醉○吸○玉○鱗○。狂○呼○霜○兔○可○認○騎○鯨○仙○客○。

王阮亭云兩結句凌風軒舉

醉落魄

春夜微雪

春閨日暮輕寒已著櫻桃樹博山小篆飄香縷斜掩青樓一陣銷魂雨夜深呵雪偏難住金尊小泛蘭陵醕酒紅漸入香肌去嬾剔金荷細對菱花語

踏莎行

次舟河

別酒纔醒離程乍遠蘭橈斜閣烟中飯霜華昨夜濕銀

篝夜深記有人低喚腸斷難禁魂銷何限隣舟商婦箏聲換一分明月照河橋橋頭船裏愁千萬

王西樵云昨夜人低喚是乍作客最銷魂語王實甫所云破題兒第一夜也

王阮亭云一分字與千萬相應故當是望舒化身耳

咏帳鈎

玉色無痕粉光欲斫一生管住春風縹紗幘凝望碧如烟憐伊蕩漾何曾挂顛處輕盈控來低亞流蘓絡在銀毬下月明風細漸琮瑋依稀似說春宵話

虞美人 第二體

春夜舟行

紅泉碧杜殊清麗。白舫紗窗閉。春江人在鏡中行。船樓鳳脰一枝橫。夢難成。漁蠻踏浪尋村酒。爛醉歌銅斗。蝦籠灣口賽黃牛。三更珠露濕船頭。似清秋。

蝦籠陽羨水名

七娘子

春閨

紅檠斜照人無語。圓冰對漾春無緒。陌上鶯啼。梁間燕乳。夢中怕到銷魂處。小樓春色留難住。斜橋春水流。將去三月時光。一年節序。水晶簾外。廉纖雨。

鄒君邨云夢中怕到銷魂處當令隨意遶天涯耳

直與陳維崧其年接

新城王士禛西樵

評

武鄉程康莊崑崙

休寧孫默無言較

中調

臨江仙

鳳。歷。一。枝。橫。踏。浪。尋。村。酒。爛。醉。歌。銅。斗。

蝦。籠。灣。口。賣。黃。牛。三。更。珠。露。濕。船。頭。似。清。秋。蝦籠陽羨水竹

七娘子

春閨

紅。檠。斜。照。人。無。語。圓。冰。對。漾。春。無。緒。陌。上。鶯。啼。梁。間。燕。

乳。夢。中。怕。到。銷。魂。處。小。樓。春。色。留。難。住。斜。橋。春。水。流。

將。試。當。令。蠟。意。數。天。賦。耳。灑。昏。神。三。夢。中。何。怪。能。聚。

烏絲詞 卷二

宜興陳維崧其年撰

新城王士禛西樵

武鄉程康莊崑崙

休寧孫 默無言較

中調

臨江仙

偶作

憶在冶城公膝下。圍棋年少知名。石頭兒女本輕盈。象

牀春縱博珠。袷夜彈箏。倏忽過江門。第換中原飛渡。
羣儉。吳霜點鬢。不勝情。案頭無鬼論。肘後淨名經。

王阮亭云敗人

意往往如此

酬贈崇川陶月嶠

四十男兒方墜地。家聲列戟風流。翩翩挾彈少年游。兄
居長樂尉。主尚富平侯。詎料蹉跎空老大。逢君楚尾
吳頭。酒闌話向北風愁。無家徐僕射。有淚白江州。

鄒程邨云直是古樂

府諧調入倚聲耳

蝶戀花

紀艷 避人

劉氏三娘雙姊妹。生小繁華。家住鷄鳴埭。梵字闌干花
影碎。妝樓恰與春波對。兩小後堂曾博塞。阿母簾前
此日教重會。傳語翻風空至再。蟬釵只靠秋千背。

前題 促坐

簾內桐花閒弄影。不便相辭。悄語傳聲請。猶自睂峯烟
不定。避人奩內添宮餅。說道今宵天色冷。且自畱停。
莫憾鴉兒醒。珠斗爛斑斜又整。人間第一消魂景。

前題

鬪葉○鬪葉子
戲俗名馬子角

中調

畱松閣

犀蒜銀釘紅玉榻。小小簾櫳。不與金堂接。鬪草又慵彈
阮怯。邀郎今夜拋金葉。百子枝花香粉浥。郎是椿家。
好把豪犀厭。音葉小負紅潮生兩頰。給郎博進。惟榆筴。百子
枝花俱葉子名鬪葉。
有椿須用一物厭之。

王阮亭云椿
家厭字都新

前題

跳索○其戲兩人轉綵繩於砌下便捷如
飛一人距躍於白光中吳俗謂之跳百索

涼夜金銜天似洗。打疊銀篝。薰透吳綾被。作劇消愁何
計是。鬢絲扶定相思子。對漾紅繩低復起。明月光中。
亂捲瀟湘水。匿笑佳人聲不止。檀奴小絆。花陰裏。

阮亭云明月光
中九字大好

前題 聽歌

梔子簾前斟鵲腦。隔著屏山。愛聽銀簫好。唱盡紅鹽人
不曉。依稀記是蕭郎稿。偷得新聲三兩調。悄學春鶯。
唇綻櫻桃小。銀蒜輕搖郎到了。和羞吹滅蘭缸早。

前題

迷藏

亞字闌干花一朵。每到花朝。春夢偏難妥。女伴相攜爭
婀娜。迷藏小捉妝樓左。鬢棗微鬆蟬翼蹕。怕有人窺。
輕合黃金鎖。戲罷偎人苔砌坐。日移交網花陰簸。

阮亭云押韻都妙

前題 圖鑑

拂曉相逢花弄口。如此天寒。何事清晨走。小院綠熊鋪褥厚。玉梅花下交三九。招入綉屏閒寫久。斜送橫波。郎莫衣單否。袖裏任郎沾寶獸。雕龍手壓描鸞手。

西樵云雕龍手壓描鸞手較藕花余壓桃花肉又警

前題 教簫

一帶紅墻剛六幅。忽聽簫聲。欲斷還將續。知是東隣吹鳳竹。邀來教弄相思曲。風起落花紅簌簌。香唾猩絨。

小印琅玕束。故說玉人吹未熟。明朝重到黃金屋。

前題 中酒

年少雙文能勸酒。笑折花枝。今夜為郎壽。紅燭厭厭籠翠鈕。飲深忘却春宵久。若下烏程春釀厚。却笑佳人腰似三眠柳。明日綠紗窗外走。手搖屈戌妝成否。

阮亭云寫中酒雅

前題

滿院娉歸啼惻惻。隔著中門。悵望游絲織。訊至方知娘小極。潛來小揭蜻蜓翼。怕響金梯行不得。半晌徘徊。

纔到菱花側。立久微聞輕歎息。春陰簾外天如墨。

西樵云欸欸輕輕殊不似須顧如戟人語

阮亭云墨字古來作押絕少此乃妙於蔚藍卵色矣

春閨同周文夏賦

芳草萋萋人脉脉。綠遍東西不空南和北。滿院春晴無氣力。海棠花下捱時刻。惆悵去年逢玉勒。酒市紅橋。

此際曾相識。往事不堪重憶得。錫簫陣陣催寒食。

西樵云綠遍東西不空南和北咏芳草妙絕白香山野火燒不盡何處生活阮亭云南北東西所謂但取錯綜便成名筆錫簫一語亦是絕唱

唐多令

春愁

蟬鬢隔花陰。香肌壓翠衾。風前一笑擲千金。記得那時明月底。剛半線。露丹襟。銀鑰杳沉沉。朱樓阻信音。流鶯啼破綠窗深。清淚未彈紅淚滴。流不了。到如今。

王西樵云全妙在剛半線三字

廣陵上巳

板渚游棧橫。津樓酒旆輕。舊繁華猶記蕪城。正是穠春逢上巳。多少事。麗人行。年少愛風情。紅粧識姓名。杜

紫微此地曾經今日鬢絲真老大和燕子語平生

王西樵云牧之十年一覺風流盡致獨欠斯語以待其年

王阮亭云記宗定九有詩云無端舊日梁間燕古寺相逢獨惘然僕最賞之復見其年此調

攤破醜奴兒

紀艷

隔簾按碎相思苜斜著烏雲漾著紅巾
嫵嫵亭亭一段春是耶難道是昨宵人
戟門闔却歲蕤鎖花氣氤氳
月色繽紛墻角鴉兒吹夜分非耶誰道是昨宵人

王阮亭云是耶非耶破作兩段尤極愴悅之致

漁家傲

宣城道上

古木叢祠山逕細野花斑竹粘天際
蕭瑟崢泓誰可擬墟烟起家家水驛門斜閉
三秋搖落悲游子一鞭自裊西風裏
歇馬溪橋人乍倚樵夫指麻姑大好朝來鬢

宣城有麻姑山

王阮亭云將勿為王遠所鞭

聞西樵方為京口三山之游却寄

晴日南徐風景異蒲帆飽趁春濤駛
一片江山千古事

同兒戲。伯符志業何曾遂。月下租船人咏史。使君大有凌雲氣。滿目茫茫愁對此。橫笛裏。妙高臺上吹新水。

曹顧菴云頓挫安放之法以少陵詩為其年詞

定風波

懷穎川劉公猷記與茂之公猷小飲紅橋幾一

年矣故有此作

昨歲行歌古竹西。廣陵三月柳綿飛。誰更扶筇郊外走。林叟開元遺事說依稀。時序颺流驚又換。春半風光。雖似舊游非。綠到江南清潁尾。春水潺湲好為寄相思。

王阮亭云節奏天然

醉春風

艷情

月暗蘭缸冥。風細花陰冷。紫茸帳底拍蕭娘。醒醒良夜難逢。幽歡可惜。休教酩酊。活火初烹茗。寶篆猶生鼎。紅粧枕畔語檀郎。等等城上人行。籠中鳥喚。如何便肯。

鄒程邨云鴛鴦枕畔喁喁細語時也

青玉案

咏糟鯉

春醒未析三更後。橙片切。菹絲糝。食品厨娘偏解鬪滑。
應凝盃。鬆難勝齒。幾辦媽紅透。金刀小向霜天剖。越
襯出春纖消瘦。捧處紅糟先欲溜。小姬無語。老饕狂叫。
把與梅同嗅。

王西樵云少時極愛文長咏蟹等詩讀此一起一結
覺徐爲儉父。把與梅同嗅五字妙極風味不意此
題有此

咏油車螯

擊鮮海錯金盤瀉。絕稱是春寒夜。輕點吳酸魂已化。和

酥爲滷帶脂成釀。二月花前榨。生平斫鱸兼行炙。枉
行遍屠門蟹舍。風味似伊休論價。差宜下酒雅堪鬪茗。
攜向江南詫。

咏醉白蝦

半籠春水溶如鏡。早傾向金盤淨。一片空明嬌掩映。霜
鬢半呷雪肌半挺。似帶春醒病。尋常蝦菜空相競。誰
解得高陽心性。細憶風姿心自省。十分酒氣三分生氣。
羞與侯鯖並。

梅菴云大爲長須國作價
幾令鼈相公無處生活

西樵云三調可與昔人異魚圖
贊並讀又當補入海味索隱

隔浦蓮近拍

飲小三吾亭前古梅下
今朝穠春天氣。袷服爲佳耳。人在梅根冶。暗香疎影迢
遞。殘內紅生。杯中綠汎。小吸宜城蟻。消魂死。敵那人蛾
綠。料應玉貌如此。難憑春驛折寄一枝千里。橫笛誰吹。
東風起。生怕玉鱗飛著春水。

風入松

第二體

上巳後二日洗鉢池汎舟卽事同亦史山濤賦

蜻蛉小泊斷橋東。人在櫓聲中。水面殘霞飛不定。春波
靜。暝翠玲瓏。夾岸繡桃斑竹。半船淡月微風。紗窗盡
摘簾紋融。心事暗惺忪。小拂絲楊人語細。春衫碧。恰似
新桐。可惜小涪溪上。明朝更與誰同。
時阿雲將小別數日

西樵云絲楊三語是

一幅絕妙著色人物

阮亭云小別麻姑

三萬歲更復如何

祝英臺近

咏橘

水濛濛烟嫋嫋。紅遍江南樹。小陸懷中。數顆偏憐汝。笑

他梅子心酸。蓮兒心苦。都讓爾甘芳如許。增悽楚。記得解橋春。纖指冷。恨人處。一別吳娘。往事渾無據。自從那日傳柑。幾番元夜。總則是淚珠如雨。

阮亭云。手香江橘。演成佳調。結尤沁入心脾。

送入我門來

寄書

香茗才情。簪花模樣。斜舒蜜色。賤兒霜毫。纔吮早已淚如絲。楚天樓上。湘娥倚。奈湘雨。湘烟。十二時。說與天涯游子。近日懨懨。春病生怕難支。爲趁雙魚。無物寄相。

思。真。珠。滴。向。紅。綃。滿。怕。綃。滑。珠。圓。難。寄。伊。

紅林擒近

咏佛手柑

芳樹來甌越。名同吳下。柑風調。軼橙橘。芳華擅闥。檐玉人夜涼。酒醒怪底薰透。紅衫此際。寶鴨休添。香氣十分霑。月底偏濯濯。枕畔故摻摻。佳人笑說。雪山花瓣。曾沾自塵情未斷。佛猶如此。合掌長思。伴玉纖。

王阮亭云。天若有情佛猶如此。可見恒河沙數。劫不壞止一情字。

王西樵云

霑字尤佳

驀山溪

感舊

碧雲薄暮。畫角誰家奏。深院火熒熒。好風輕。翠幃微縷。水輪徐上。無語掩屏山。金鈎瘦。鮫綃透。人在銀燈後。年時小苑。良夜曾攜手。低掃淡黃蛾。漫垂垂。玉人紅袖。如今人去。門巷也依然。紅橋口。香街右。一帶青青柳。

王阮亭云會記其年一絕云豐樂橋南白酒旗大夫廟後綠楊絲而今絲盡何須恨曾見羊車絕妙時又憶法藏寺前柳云一樹青絲拂寺前粲粲和月復和烟當時春夜頻來往曾見依依十二年每一颯之輒有移情之歎如此詞亦何減桓子野聞清歌時

天穿節次葛魯卿韻

宋以正月廿三為天穿節相傳女媧氏以是日補天

曉寒側側。繡戶涼如水。燈市火初收。不十日。春喧北里。

都城士女。結隊踏天穿。珠絡鼓。畫樓旗漾。在東風裏。

江南詞客。生長烟花地。可惜是穠春。最難忘。夢華遺事。倚闌。怳悵。暗裏憶當年。新雨後。板橋西。那處人家醉。

王西樵云東京夢華不殊雲烟過眼未免有情誰能遣此

蕙蘭芳引

咏木瓜花

綠水人家。有一樹垂垂。紅雪瘦影。亞雕闌。啼盡春禽百

十一
舌玉娥睡醒問何處麝蘭偷泄。恰侍兒報道枝上名花
纔結。記得良人曾經漬粉。去秋時節。歎雖有好香不
比此香清絕。那知花朵一般芳烈。愛清芬莫對傍人輕

說。古詩云良人木。爲漬木瓜粉。

洗鉢池中有贈

客裏無憀。瞥見處繡簾斜軸。恰暮雨瀟瀟。低唱傷心人
曲。相逢却扇。板橋西數枝春竹。正籠中鸚鵡。叫醒一窩
紅玉。攜上吳裝。一聲欸乃碧天如沐。愛香藕花輕。偏
打向船窗簌簌。嬌歌妙舞。明眸曼睩。記昨宵水色半城。

都綠。

尤悔菴云
一棹淡蕩

早梅芳近

咏玉蝶梅

整偏佳。斜更好。風格那能到。粉牋欲賦。除是多才李清
照。亭亭情意厚。嫋嫋腰肢小。正入春陰重。白處粧樓曉。
夢無憑。愁不了。從古江南道。天寒日暮。此意惟花堪
共表。文犀慵再掠。金鴨羞輕抱。撚梅花。今年驛使杳。

鄒程邨云西湖崔弔
春如醉差可與髣髴

王阮亭云起三語美人名
士乃足當此外人那得知

簇水

春雪

有影無聲。小樓一夜堆瓊稷。撒鹽縈絮。舞遍天涯六出。
最愛輕鬆纖軟。雅稱紅閨客。遮不住。空青簾翼。下春陰
積。怪此際曉寒何重。圍紅獸。偎窗隙。樓前莫管。一任騰
騰瑟瑟。且淪鮑家香茗。雪水傾來白。紅日照。消入一池
深碧。

曹顧菴云不數

孫夫人雪詞

步月

本意

小市門東板橋巷北。暗中瞥見芳姿。明眸膩臉夜靜漾。
簾衣碧柳映。幾層衫子。紅蕖露。一輛鞋兒斜靠著。江梅
一樹剛得半開時。銅駝街又做。奈珠屏似水。此恨誰
知。美春纖香橙代解。迴秋水。羅帕親攜歸去也。一鈎春
月。水仙祠。

鄒程邨云直是

泥犁中人語

魚遊春水

春陰闋思

盡日香闈悄。纔細額東風料峭。可惜紅芳如此匆匆過。
了。做。暝。遙。天。渾。似。墨。妝。陰。野。水。愁。難。曉。獨。對。菱。花。橫。波。
淼。淼。惆。悵。更。誰。知。道。漫。消。受。綠。篝。烟。裊。何。日。剪。破。層。
陰。依。然。春。好。料。得。藁。砧。愁。遠。泊。也。無。燈。火。來。相。照。怪。底。
今宵黃昏偏早。

春夜聞雁

春夜紅蕤枕。怪賓鴻月底哀鳴如昨。惹青衫淚甚時乾。

引紅闈睡。何曾著。記得當初楚天烟水碧。湘樓閣。攬玉
軫。和金徽。自分西風冷落。一霎年光。又逢春社。萬里
鄉心作。憶。淼。淼。蕭。關。茫。茫。沙。漠。故。園。歸。歎。行。樂。花。柳。江。
南。儘。讓。他。鶯。啼。燕。掠。

法曲獻仙音

寄嚴覽民錢寶汾顧華峯三舍人

蜀肆先生漢家夫子。新謁帝承明殿。最喜金閨璧人聯。
響。吳。郡。顧。榮。揮。扇。更。傳。聞。三。珠。樹。錢。起。湘。靈。怨。人。傳。徧。
思。往。日。江。東。婉。孌。紅。燭。下。挾。瑟。鳴。箏。公。讌。誰。料。鳳。凰。

池三子者。一時妙選。十里朱簾。爭看煞黑頭王椽。只凌雲一賦。楊意何時方薦。

王西樵云前段歷落可喜後段掩抑可思

王阮亭云合傳有穿插位置之妙

東風齊著力

花朝

春困初濃。春愁難妥。又是花朝。蝦鬚半軸。蛾絲不曾描。記得去年玉勒相逢在。絲雨長橋。鞦韆社。綉旗不定。畫鼓頻敲。流水淥迢迢。人不見。妝成知為誰嬌。穠春病

酒。雙臉印紅潮。欲借鴛鴦機論恨。回文字。帶淚斜挑。腸斷也。百花生日。只是無聊。

絳都春 第一體

咏蛟蝶

誰家佛助。想一縷裙花。做成紅雨。青草如烟。淥水如羅。被陣陣東風。吹向晴空舞。又傷平蕪來去。桃花門巷。菜花天氣。輕狂無數。嬌嬈畱他不住。更砌畔濛濛。墻頭栩栩。飄零蕩漾。一春夢裏。曾如許。料伊也為多情悞。只愁撲蝶園中。癡憨兒女。

王阮亭云寫得蚊蝶有魂

浪地觀

絲湍春

第一韻

少百芬。平日只。吳無。順。雨長。倚。歌。楚。社。終。旗。不。定。畫。醉。雙。劍。甲。孫。應。格。昔。驚。熱。餽。別。回。文。字。帶。幾。除。淋。淋。瀝。瀝。

烏絲詞 卷三

宜興陳維崧其年撰

萊陽宋 琬荔裳

嘉善曹爾堪顧菴

休寧孫 默無言較

長調

滿江紅

悵悵詞

咄汝青衫。奚不去。白楊荒漠。歎是處。病蘭不笑。瘦琴空。

削。鄴。酒。紅。來。心。久。死。越。娘。紫。去。懷。長。惡。猛。耳。酣。追。憶。玉。
箋。河。驚。流。落。東。簫。展。西。統。芍。北。金。谷。南。銅。雀。只。詞。流。
騷。艷。供。伊。談。噓。百。不。憐。人。游。獵。賦。一。生。悞。我。靈。光。作。向。
要。離。塚。上。以。呼。余。余。日。諾。

王阮亭云拊髀撫
膺可續文章九命

前題

日。夕。此。間。以。眼。淚。洗。胭。脂。面。誰。復。惜。松。螺。脚。短。不。堪。君。
薦。幾。帙。罵。人。鸚。鵡。著。半。床。詛。世。芙。蓉。謨。笑。欵。寄。俠。骨。縛。
青。衫。奚。其。便。曷。不。向。青。河。戰。曷。不。向。青。樓。宴。問。何。爲。

潦。倒。青。藜。筆。硯。老。大。怕。逢。裘。馬。輩。顛。狂。合。入。烟。花。院。誓。
從。今。傅。粉。上。鬚。眉。簪。歌。釧。

王阮亭云插身淨丑場演作天
魔戲令人却憶升菴滇南時也

前題

腰。綵。唇。朱。渾。妝。就。腐。儒。花。壓。堪。噴。飯。騷。腸。賦。骨。也。來。帖。
括。兒。輩。不。關。詩。酒。事。乃。公。偶。墮。文。章。劫。看。他。年。百。隊。罽。
如。霞。夔。州。獵。緇。千。卷。澆。玄。蝶。螺。千。縛。漂。丹。蛙。也。扶。風。
歌。彈。陳。畱。花。鑷。梳。子。街。前。捎。粉。盜。鳳。凰。橋。下。薰。香。俠。更。
偏。軍。夜。繞。甌。山。城。師。常。捷。

王西樵云余舊有句云耽文祇被文章累有硯不焚真大癡正髯所云乃公偶墮文章劫也

前題

一畝書齋白楊樹。今番滿矣。想十載。墨池滋味。不過如此。芍藥風流可賜緋。丁香年少宜衣紫。問奚為。蹀躞。鷓鴣橋。無聊子。簫欲哭。紅冰璽。琴欲笑。玄霜葉。歎騷茵。墨寶命儕歌婢。硯締半車蘭葉。鬼詩斟一斛。茶花髓也。紅顏絕代可憐人。因誰死。

鄒程邈云長爪生天才瑰詭有其年起為匹敵諸詞離奇險麗字字湘君山鬼之亞昌谷而上惟有左徒真令讀者歎絕

前題

白柳黃羊宛繪出。傷心片幅。酸切處。短霜供爨。古烟供讀。鶻美於君何必怒。飄浮似我原堪哭。聽黃陵磯畔夜。深船淒涼曲。梨園內。絲憎肉。田園內。花欺粟。更泉麻。蒟錦。蕢蔬。讒菊。百隊錢刀。爭作橫。一身風雅。單為僕。倚酒悲亂。擊紫珊瑚。鳴如筑。

王西樵云涉筆便騷怨鳴咽處如聽鼓三峽流泉絲憎肉花欺粟非特警策亦且寄託深遠至一身風雅單為僕不覺盡情寫出矣其言尤痛切逼真

王阮亭云文章滿腹不如一囊錢古今如此何必與流輩競看曉耶陳生過矣

咏雪 宮闈

雪灑彤墀。看帝里風光不惡。恰喜是銀裝絳灌。瓊雕衛
霍。粉椽班中年尚少。玉兒宮裏腰初約。更太平天子坐
當○中○簾○垂○著○。御溝畔爭寒雀。寶鼎外山呼却喜臣心
似雪。朕之良藥。瑟瑟六花籠翠幄。泠泠萬點敲金鑰。問
鷓○行○誰○擅○鄂○中○才○從○頭○索○

王阮亭云曹植馬謝莊衣都不及此

前題 閨閣

連日微陰。梅花外數聲姑惡。憔悴是淨持小女兒家姓

霍春夢晝寒偏易醒。髣髴絲指冷。應難約。思沉沉。獨自抱
銀○箏○人○猜○著○。釵梁燕鞋幫雀。簪處顫移來。却看糝

鴛瓦鋪明紅藥。沾濕怕污郎白馬。玲瓏不辨奴青鑰。問
何○時○乾○鵲○噪○香○奩○從○天○索○

王西樵云人猜著三字意中言外

前題 塞外

萬里茫茫穹廬畔。風狂雪惡。歎當日漢家蘇武功。高衛
霍。迢遞南天鴻雁信。淒涼北海羝羊約。縱飢來朔雪亦
堪○吞○無○衣○著○。傳書犬啣環雀。忠孝事難忘。却看詩誇

同澤史譏嘗藥。夢到龍樓飄瑞雪。六宮夜宴黃金鑰。正
醒時蘆笛起邊愁。風蕭索。

前題 樓中

六出花飛。側耳聽金鈴犬惡。正滕六撒鹽飛絮。瀾漫揮
霍。緇罷額黃簾四捲。妝成蛾綠鈎雙約。任樓頭倚遍玉
闌干。難安著。歌竹子。彈翎雀。舊時曲。都拋却。悔姮娥
清冷。多因偷藥。燒盡深閨紅獸炭。闔殘別院文鱗鑰。只
雪沙浙瀝。打空塔。秋千索。

前題 袁宅

四世三公。袁高士。人身不惡。也不羨。東朝田竇。西京金
霍。大雪不知秦與漢。平生詎習從衡約。笑本初。公路亦
家駒。爭殘著。穿花蝶。啣梅雀。土銼冷。高軒却。縱蒲輪
束帛。誤人之藥。煖足那須東閣被。安心自守空山鑰。任
門前白盡漢江山。休相索。

王阮亭云于桃花
源外別出一奇徑

前題 馬上

大獵城南。此年少。王家鎮惡。何況是。姿容比玠。從奴勝
霍。帶雪能騎千里馬。殺人不受三章約。正射鵬時候暮

雲平弓弦著。能逐兔。能探雀。揮杯飲。休辭却。向諸君。
笑語。此非鳩藥。且日醉從屠狗博。昨宵怒奪城門鑰。看
腕驅玉色雪中馳。難追索。

程崑崙云讀之不覺其悲壯但覺其婉麗

前題 曲中

舉舉師師。正春病。心情小惡。蚤則是。雪飛寶篆。寒生錦
霍。無力。渾如儂樣。性難憑。恰似郎邊約。倚銀篝。小語罵
輕狂。偏偎著。紫簾蒜。騰釵雀。斜復整。行還却。好搗殘
玉杵。和他面藥。睡眼初睏。驚六出。曲中小響。倉琅鑰。又

平康狎客。喚銀瓶。寒簾索。

前題 酒家

大雪江天。笑萬里。北風作惡。撩只向。屠門大嚼。磨刀霍
霍。季布田中。命客。虛家堂後。消魂約。正雪深。兀坐酒
樓中。思量著。車中婦。山頭雀。恨不了。愁難却。總無如
一醉。勝他行藥。小婦且擎紅玉椀。金吾漫鎖春城鑰。拍
糟床。極愛酒家郎。頻呼索。

王阮亭云此人胸中巨測。又云僕此詩甚佳。

陳郎以扇索書為賦一闕

父名陳九曲中老教師

鐵笛鈿箏還記得。白頭陳九會消。受妓堂絲管。毬場花
酒籍福無雙。丞相客善才。篋一琵琶手。歎今朝寒食草
青青。人何有。弱息在佳兒。又玉山皎瓊枝秀。喜門風
不墜。家聲依舊。生子何須李亞子。少年當學王曇首。對
君家兩世濕青衫。吾衰醜。

王西樵云每誦其年此等
詞便如讀天寶遺事數則

江村夏咏

百頃風潭鎮日展。風漪八尺向此處。未妨飲噉。且須琴
奕。籬笋細醃紅縷。鼓吳鹽。小下銀絲鯽。待體中脫復有。

佳時哦周易。北垞外寒雲白。西崦畔蒼烟積。更水鳧
將子縱橫飛拍。老子難拋白玉麈。少年喜拓黃金戟。總
風情輸與牧牛兒。斜陽笛。

曹顧菴云有此下酒
物江村亦復不惡

前題

野水濛濛掩映處。烟扉三兩羨門外。黃雲穰穰麥場如
掌。叱叱村頭驅犢返。瀾瀾江口又魚往。喜田園四月不
曾閑。人勞攘。嫩晴後。桑陰敞。老屋下田歌漾。更芋區
新灌。鵝羣初放。婆餅焦啼秧馬活。社公雨過。縹車響。笑

吳儂原住五湖邊。曾呼長。

前題

畧約東頭有蟹舍。斜連荻市。追涼處。田夫說餅風情靡。
靡。餽飢溜匙薑韭滑。餞餽膠口椒橙美。更傳聞櫻笋賤。
如泥。今年裏。叉手舞。揜拳起。釭面酒。長腰米。想大官。
廚味。不過如此。老我田園河射角。笑他仕宦車生耳。漏。
湖風剛趁此時來。欣然喜。

前題

碧浪初圓。凭水閣脫巾獨立。誰作伴。數竿籬竹。一甌茗。

汁似有聲來。茶磴轉。斷無人處。村春急。正日長。撥悶枕。
書眠斜川集。 檉花上。珠堪吸。荳花底。涼堪裛。看瀟茫。

一派雨。蓑烟笠。搏黍鳥啼勤。又嬾鱗魚風起。吹還澹。恰。
衝泥隣叟。墊巾來。芒鞋濕。

前題

雨欲成時。聽村北。村南。鴨鳩行。藥處崖門。藤束溪腰。樹。
爽。水剪越羅。吳穀樣。山臨范緩。倪迂法。任科頭箕踞。受。
松風新涼。霎。何必學呼名鴨。且自荷隨身。鍾儘一丘。
一壑。此生寧乏。雲起怒排。臨陣馬澗鳴。冷試搗箏甲。更。

歸來滴滴玉蛆聲。糟床壓。

前題

丁字畦邊見一帶陰陰夏木扶疎甚。釣絲斜漾菱絲大。
熟鶯煖。鮑魚新上市。草香蠶子齊登簇。喜炊烟一縷裊。
江邊燃湘竹。菱鷄唱。溪流足。姑惡叫。山光綠。聽樵歌。
正斷漁歌又續。泥滑婦愁微雨。鮐村深兒趁朝涼。讀更。
柳塘吹起犂牛風。波如縠。

前題

卷畫銅官都繚繞。吾廬左右論生計。蹲鴟一頃菰蒲百。

畝矮屋村扉多蘸水。澄潭釣艇斜依柳。恰月明漁網截。
江來歌銅斗。烟漸斂。籠鴉舅。雨又作。鳴鳩婦。正湖風。
側帽林花墮。酒戲就攤錢。淮估語。悶思斫。鱸吳娘手。待。
明朝重榨甕頭。蓋呼溪友。

前題

澤國人家門以外。水田渺渺無過是。明潭淺瀨烟蒲風。
篠雪浪江帆喧。晝夜鷄頭菱角知多少。泊數行。笳管忒。
玲瓏。漁蠻遠。新考退。蘆塘宵。殘月映。溪堂皎。且榜他。
碧石。沽來清醪。一雨平湖涼思滿。數聲林笛離情悄。正。

水雲空濶晚真真沙鷗矯

前題

天水空濛蘆花內茆菴一箇長夏裏溪干乘興短篷掀
簾十里烟波鷗世界半盃茗汁僧功課更寺門竹翠劇
憐人如何唾洗鉢罷苔陰坐捶琴歇花關臥愛栗留
聲脆枇杷葉大便住隨師聽浴鼓再來何日開烟柁約
搓橙剖橘好時光還重過時過浣
花禪院

前題

三伏炎敲吳牛喘老顛欲裂詎便少池荷半畝山松百

尺赤日紅塵那可耐哀梨并剪無從覓且臨風快讀劍
南詩傾一石堂堂處裝何急咄咄處人都逼算功名

馬稍關山梁益綠髻雙螯寒夜擘白頭猛虎霜天射漸

卷終不覺海風生冰車表方讀劍南
老人集

鄒程邨云哀梨并剪

卽以贈老髯何如

尤悔菴云數首情景真率而造語殊
復新警駢麗故勝渭南老子多許

歲暮渡江用宋荔裳觀察曹顧菴太史王西樵

考功倡和原韻

六幅蒲帆掠江下玻璃綠漲中流處舉杯遙賀焦先無

恙○一○片○鄉○愁○殘○壘○下○五○更○僧○語○空○舫○上○喜○網○來○白○小○不
論○錢○漁○蟹○餉○看○蟹○舍○沙○頭○漾○聽○銅○斗○船○頭○唱○喝○岷○江
有○水○速○成○醇○釀○估○客○使○船○都○似○馬○吳○兒○踏○浪○何○須○杖○剪
燭○花○醉○眼○看○魚○龍○離○奇○狀○

王西樵云孝然不溺不焚世網所不嬰憂患所不入也賀焦先無恙含意甚多結語尤奇聳光怪

舟次潤城謁程崑崙別駕

此○地○孫○劉○想○萬○馬○川○騰○谷○漲○公○到○日○雄○關○鐵○鎖○東○流○無
恙○上○黨○地○爲○天○下○春○使○君○文○在○先○秦○上○更○縱○橫○羽○檄○氣
偏○豪○籌○兵○餉○天○上○月○波○心○漾○隔○江○笛○樓○頭○唱○歎○江○山

如○此○可○消○官○釀○側○帽○高○張○臨○水○宴○掀○髯○勇○策○登○山○杖○踞
寒○崖○撈○蘇○剔○殘○碑○猿○猱○狀○先生重刻焦山瘞崔鄧

懷阮亭

隋○帝○宮○門○楊○柳○岸○春○濃○花○漲○曾○密○報○杜○家○書○記○平○安○無
恙○相○賞○每○多○松○石○意○此○情○原○在○錢○刀○上○記○紅○橋○風○月○六
年○游○皆○君○餉○瓜○果○讌○離○旌○漾○禪○智○寺○驪○歌○唱○任○吳○霜
鬢○裏○漸○爲○君○釀○謾○說○休○文○圍○帶○減○吾○年○四○十○還○須○杖○夜
闌○時○夢○汝○帽○簷○斜○論○詩○狀○

聞阮亭罷官之信并寄西樵

鼎鼎朱門滿眼是膨脹。誰得似。心情半嬾。風情微。
恙。阿堵考君材最下。孔方阻爾書難上。算人間只有芟
荷裳。堪相餉。華不注。樵風漾。轅固里。蠶娘唱。使漸離
和曲。杜康佐釀。才子爲官休亦好。弟應荷篠。兄攜杖。記
相人原說。使君非癡肥狀。

王西樵云。心情八字。是名士上考語。非衛洗馬一輩人不能當也。○甲辰冬南下途中。聞貽上遷官。曾有詩寄起句云。骨相皆非相。與卿雄文空。復擅研京讀。其年此結語。何相似耶。○弟應荷篠。兄攜杖。儻繪作一圖。定極可觀。勝墳。籠龍鳳等舊語也。

乙巳除夕立春

爆竹一聲吾廬外。千門烟漲喜今夜。新春殘臘田園無
恙。南國舊游稀眼底。西京遺事來心上。記黏鷄彩燕。廿
年前。攔街餉。滄桑換都拋漾。頭顱老休歌唱。且左燒
紅燭。右傾家釀。鬱壘欹斜。頭上帽。神茶脫落。腰間杖。笑
人憐桃。偶偶憐人。同斯狀。

王西樵云。詠語歷落。令人想東方先生也。

前題

父念兒耶。珠淚迸溪流。同漲。屈指算。四時作客。三秋抱
恙。山左未尋周櫟下。廣陵且覓王貽上。乍榴花時節。載

愁還堪誰餉。弱女嫁羅衣。漾諸弟隔羈鴻。唱又匆匆。
去買高郵雪釀。寒夜纔歸陽羨棹。燈前擬試金焦杖。向
泉臺泣數一年間。飄零狀。

王西樵云起結語不忍讀。榴花時節載
愁還雖不堪持贈。差免關稅亦一快也。

將爲鄧尉看梅之行。先寄吳中諸子。

二陸三張曾轟飲。劍池春漲。吾語女。千燕有草。至今無
恙。柳絮微風。胥渡口。梨花細雨。臯橋上。自別來。僕病負
諸君。尊鱸餉。俛俛甚。游絲漾。芒芒極。雛鶯唱。漸欲寒。
欲煖。暗將梅釀。我意巾車還躍馬。君其挈榼兼扶杖。待

月明飽玩萬山巔。橫斜狀。

贈朱亦巖先生

先生
楚人

湘入瀟波極望處。楚天碧漲來領袖。五湖詞賦齊盟無。
恙。蕭帝宅荒葭。茨外昭君村在秭歸上。羨風騷兩地仗
斯人。從天餉。珠玉走龍蛇。漾白雪和幽蘭唱。看江花
狼籍。班香醞釀。他日定爲公子繡。此時敬換先生杖。謝
君侯。未面已憐余。踈狂狀。

王西樵云此顧菴江村舊韻。僕憂患中一再和之。客
夏湖上出示。顧菴後同荔裳往復用韻。遂各得八首。
顧菴又與旣庭展成倡和於吳門。此外繼和者不下
數十家。長調和韻之盛。殆無出於此矣。今觀其年八

調魂詭驚奇風雨魚龍膠葛筆端
恐曹龙諸公亦當辟舍不但僕也

何明瑞先生筵上作

辛巳歲先生在陽羨令
幕中拔予童子第一

陽羨書生記年少劇於健馬公一顧風髻霧鬣盡居其
下兩院黃驄佳子弟三條紅燭喬聲價恰思量已是廿
年前淒涼話鐵笛叫南徐夜玉山倒西窗下且携蒲
六博彈箏行炙被酒我思張子布臨江不見甘與霸只
春潮濺雪白人頭堪悲咤

西樵云豪蕩感激飛揚跋

扈辛陸之外別見爽颯

滄庭芳

紀夢

黃入東風綠來南內夢中春水於澌箇儂香粉髣髴也
曾經還是簸錢堂上當年事有影無形高樓外珠圓鶯
脆隔院已聞聲 衷情渾欲訴新愁點點舊恨星星奈
一場春夢不甚分明此際銀燈耿耿羅衾濕紅淚如水
難分手滿街細雨愁煞夢回程

鳳凰臺上憶吹簫

閏六月七日爲牛女作懊惱詞

翠鵲橋虛珠匏路杳懊儂情思無繆奈粉河一望靈匹

難招寄語天邊織室雙鴛杵。纖指休拋。停梭怨金徒箭。
永青女粧遙。迢迢常時此夜。正微寒麝燈。小駕龍輶。
記衣香鬢影。髣髴今宵。經年離別。依然又淚滴。紅綃差。
喜是涼秋不遠。準備魂消。

和漱玉詞

蘸水垂楊。漫天絲柳。千條萬緒樓頭。正圓冰清淺。斜靠
簾鉤。擬把玉容重整。纔勻面。怱悵還休。慙慙甚。今春三
月。忒似深秋。堪羞韶華縱好。奈舊情已換。往事難留。
只梁間玉剪。勸我登樓。簾押朦朧未捲。青山外。不忍凝
眸。無過是瀟瀟。春雨點點離愁。

水調歌頭

被酒與客語

老子半生事。忼慨喜交游。過江王謝子弟。填巷哄華騶。
曾記獸肥草淺。正值風毛雨血。大獵北岡頭。日暮不歸
去。霜色冷吳鉤。今老大。嗟落拓。轉沉浮。疇昔博徒酒
侶。一半塋荒丘。閉置車中新婦。羞縮嚴家餓隸。說著亦
堪愁。我爲若起舞。若定解此不。

王西樵云讀此爲舞
一擊唾壺歌伏鱗

題余氏女子繡西施浣紗圖為阮亭賦

婀娜針神女。春晝繡西家。聞道若耶溪上。淥水漾明沙。
為憶吳宮情事。驀地養娘來至。羞臉暈朝霞。忙向屏山
畔。背過髻邊鴉。一春秋。三月雨。滿欄花。西施未嫁。當
初情緒。記此此。靠著繡床。又想拈著鴛針。又放幽思渺
無涯。一幅鮫綃也。錯認越溪紗。

王西樵云。靠著綉床。二句寫得幽嫺帶人。

夏初臨

本意

麥浪接晴槐。陰摺雨。小樓無限思量。九十韶華。誰憐歸
去。堂堂屏山。做盡瀟湘。漸凌波玉剪飛忙。此時天氣。令
年情緒。大抵恹恹。天涯羈旅。煞甚淒涼。慣推中酒。相
說思鄉。江東故苑。正逢櫻筍時光。何日吳裝。傷柳綿小
泊斜陽。倚蟲娘。一春愁病。說與端詳。

八聲甘州

月夜守風江店

對清光一碧。倚江城。獨立怨飄蓬。最惱人懷抱。危檣匝
地。殘堞當空。遙想故園。粧閣擁袖。側金蟲。歎息藁砧去。

烟水濛濛。一派銀清雪浪。瀉青銅鏡底。白雁聲中。料
嫦娥清冷。此際與人同。且消停。三更茅廬。任隔垣紫馬
夜嘶風。消魂也。江愁衛玠。月想王恭。

鄒程邨云滿紙江濤聲令人有離鄉之感

倦尋芳

早春偶過農部伯父廢園感賦

敗屋東頭。偶然行散。十分情重。滿地苔錢。雨榭烟廊。都
空蘸水。燕雛晴故掠。蔭街絲柳。風偏弄。傷情處。是舊家
年少。登山一慟。記當日。孝標姊妹。僧綽兒郎。嬉遊曾

共多少。春衫斜著。金鞭閒控。一自攀髯人去。早江南鶯
燕成何用。揀此生。繡戶珠簾。付之一夢。

鄒程邨云李泰伯洛陽名園記爲他家感槩耳何似舊家年少語語清切

王阮亭云兩結句妙

玉人歌

楊枝今歲二十爲于齊統上作小詞

當日事。記陌上青絲。垂垂踈地。拖烟蘸雨。已解藏鴉未。
眞珠簾額。香毬墜。做盡輕狂。任意影濛濛。紅日三竿。白花
十里。水驛飄零。子謝青眼相看。縮人征騎。露葉如啼。

直得消魂死。如今漸長黃金穗。不在長街裏。羨畫樓
主。舞腰同倚。

王西樵云較武靈后
楊白花詞尤爲纏綿

王阮亭云尹邢相如
髯更作解嘲語耳

八節長歡

乙巳元日

淑景驚催。畫梁日影。蚤漾粧臺。曠曠金母帳。漱灑玉人
杯。宜春帖子。簪花格。漸闌中。珠網爭開。多少屏搖翠栢。
勝颺紅梅。長安車騎朝正。青絲轡。火城影裏。初回宮

闕。暖祥雲。嬉遊罷。誰憐江左。鄒枚。休怊悵。喜吳娘已醉。
春醪。屈指又試燈挑菜。城南且拾遺釵。

閨怨無悶

春日見城上遊女甚盛戲作此詞

綺陌眠芊。上日妖冶。彌望玉樓金埒。正挑菜年光。滿裙
時節。陣陣內家車子。漾綃幃。吹亂千堆雪。無人處。悄把
春纖小揭。都無分別。絡繹碾香塵。鋪玉席。總向子城
斜。處女墻。彎裏惹人憐惜。此際春心。愁絕。愁九十春光
如過隙。那堪輕暝。輕寒朝來。想作寒食。

王西樵云子城斜處女牆彎裏縹緲何減玉
溪碧城○輕隕輕寒四字寫寒食景色入微

瑣窗寒

昔年樓上

此地當年蕭娘粧閣。綠窗幽靚。傷春情思。正日爇人微。
病。撚花枝。悄近羅衣。屏峯送語。烟難定。掩屏風。六幅看
他。緇額。安黃端正。那更人別後。冷落舊粧樓。温家玉
鏡。無端又上。銀蒜零星。還剩只從前。簫局桃笙。看來不
似今朝景。便化爲玉剪。重來。還認紅香徑。

王阮亭云疑是韓憑

舊日魂亦復如是

花犯

咏白山茶用周美成梅花韻

對西風。亭亭一樹。箇儂好風味。和烟和月也。無人憐惜。
不勝清麗。水精簾額深深倚。天寒私自喜。似小玉。夜長
無伴。上床鋪粉被。珠窗一層障。疎花似無。還似有。共
人憔悴。愁殺是青霜輕墜。記一種紅顏窈窕。曾開在三
春臺榭裏。只薄命年年流落。秋天涼著水。

王阮亭云用微
之詩語雋絕

念奴嬌

與任青際飲

乾坤颯颯。且沽將楓葉。細評今昔。笑問幽州。今夜雪。可似鷓鴣寒色。市上吹簫。橋頭賣醬。淚灑吳楓赤。蘓貂空黑。謝郎今已破賊。不如冶葉倡條。青樓白社。磨滅人年月。瀝盡并刀。悲壯血。看有何人。憐惜白草關河。黃沙唐宋。只對孤鴻說。醉澆三國。周郎江岸千尺。

王西樵云昆明劫灰只颯颯二字括

盡○周郎俊人故消得陳郎杯酒

王阮亭云長歌破衣襟短歌斷白髮直須以一石澆之○常喜陽羨生健兒須飽馬須蓄來時北風去時雪之句此詞涼壯正與相近

雲間陳徵君有題余家遠閣一闕秋日登樓不

勝蔓草零烟之感因倚聲和之

得憐堂後有丹樓。飛起當年爭羨陽。夏門庭能咏絮。那更溪山葱蒨。帶雨房櫺。和烟簾幙。零亂東湖面。碧闌干裏。有人斜映瓊扇。可惜人去匆匆。而今樓下。秋水帆如箭。老我三吳好男子。綠鬢忽然衰賤。蔓草霜濃。叢祠露悄。白晝鼉鼉現。舍南舍北。亂飛王謝家燕。

王阮亭云秋水帆如箭何

與人事正復一往有深情

王西樵云而今樓下九字與謝女

不歸樓枕小河春水十字同妙

題顧螺舟小影

如此佳人是王家養炬謝家過末三世貂蟬連北闕年
少東華釋褐傳粉宮前薰香殿側顧盼真英發臨春結
綺舊游似有瓜葛而今零落堪憐文園多病贏得相
如渴滿目關河愁恨極衰草濃烟塗抹醉矣堪呵灰兮
可溺田也供人奪芒芒哀樂四條絃子空撥

王西樵云衰草濃烟塗

抹六字寫得荒寒歷落

緯雲第三十作此詞因和其韻同半雪弟賦

醉拍闌干歎去者苦多光陰倏忽知我平生悲憤事惟

有當頭明月准擬騎鯨不然射虎一吐胸中鬱吳鉤負
汝好將衫袖頻拂追想紅燭呼盧青樓賭酒往事推
華閣小季已稱三十歲何況暮年黃歇斜閣秦箏橫攤
越絕燒盡爐中袖憑高遠望江流一綫如髮

王西樵云髯乃欲

作林際春申君

送子萬弟之睢陽

悲哉秋也况登山臨水黯然而欲別千里長江流夜月萬
里長城空濶白板船開青楓樹老極目徒悲切君歸梁
苑漢家何限陵闕疇昔讓棗推梨謝家兄弟才氣人

爭說一夜西風吹蒼莽。吹散封胡。遇末兄。作楚囚。弟成秦贅。枕上鵬啼血。阿龍超甚。教他長誦明發。阿龍五弟小名時同

四弟在
睢陽
王阮亭云讀之不覺淚涔涔下

龍眠公坐上看諸客大合樂記丁酉中秋曾於

合肥公青谿宅見此今又將十年矣援筆填

詞呈龍眠公并示樓岡太史邵村侍御與三

孝廉

醉來闌入正司空筵上一羣腰鼓老子婆娑牀上坐

鏢聽歌似虎一片西風千堆畫燭月好青輝苦回頭往事青溪舊夢重作謝公笑問兒郎此間何處畧記隋堤路老矣廉頗猶健飯莫負紅么翠羽人在當場曲逢入破白髮休子侮新磨幡綽世惟公等堪語

王西樵云掀髯一嘯直作霹靂聲不僅蘓門鸞鳳

次夜韓樓燈火甚盛仍聽諸君絃管復填一闕

紅燭如山請四筵滿座聽儂搥鼓此日天涯謀作達事更難子縛虎僕本恨人公皆健卒不醉卿何苦金元院本月明今夜重作總是狎客南朝佳人北里占斷蕪

鳥系詞 卷三 二十一
城路好景也知容易散。一別沉鱗羈羽。狂受人憎。醉供人罵。老任雛姬侮。揚州燈火。明朝人定傳語。

尤悔菴云二詞

絕唱讀之擊節

王西樵云較前作尤佳。正平爲漁陽。慘搗時躡駁。脚足容態不常。恐亦未必便能如此。

乙巳中秋用東坡韻寄廣陵諸舊游

月明如此問江山。今古幾多陳迹。誰把桂輪今夜裏。碾破楚天新碧。玉口無聲。銀河有影。一片清虛國。醉餘莫笑舊游。吾尚歷歷。記得杜牧司勳。江湖落拓。曾作揚州客。愛殺打頭天上月。管甚中秋七夕。一別凄然。吾生可惜。塌盡鴟鵬翼。夜云深矣。依稀樓外吹笛。

酬歸德侯仲衡

天陰歲暮正情如中酒。人初賦別。忽接繁臺書。一紙飛下。梁園白雪。悼遠傷離。撫今追昔。字字皆辛切。狂歌數闕。唾壺之口都缺。每欲窄袖輕衫。礪礪道上。小犯寒風。冽耳後。弓弦聲霹靂。一片風毛雨血。雅願終違。壯遊未果。世事多枝節。中宵輾轉。布衾今夜難熱。

瑤花

秋雨新晴登遠閣眺望

青山如黛。淥水如羅。映真珠簾罅。金閨瑟瑟。正青砧隔院。擣衣纔罷。登樓遠望。見一帶碧雲輕瀉。更蕭關征雁濛濛。愁煞江南此夜。幾回搔首。沉吟歎。今日深秋。前朝初夏。流光遞換。何處覓。鈿車羅帕。傷心故苑。依然似天涯。客舍對秋風。強舉金尊。又是夕陽西下。

王阮亭云歸反作客較鐘鳴葉落尤是黠然也

高陽臺

題余氏女子綉高唐神女圖為阮亭賦

巫峽妖姬。章臺才子。賦成合斷人腸。綉閣停針。含情想

像高唐。渚宮舊跡。今何在。不分明。水殿雲房。驪蟬鬢憶著行雲。恰費商量。蘅皋暮雨。淒涼。只楚天。一碧與夢俱長。霧縠霓旌。幾時重得侍君王。小唾紅絨。思好事。却剪刀聲出迴廊。更添些紅杜青蘋。做出瀟瀟。

王阮亭云悄恍離卬間得神光離合之妙

東風第一枝

咏綠萼梅和呂聖求韻

粉界檀腮。烟籠膩頸。玉奴素質輕約。風前乍坼。紅鬚月下。低含綠萼。一枝水上。也不管。鶯啼燕掠。最憐他。不甚

分明飛破瀟湘白鶴。隔蟬翼層層都薄。打稷雪冷冷
又落。有情故亞樓頭無聊自開屋角。日高慵起。慢搖動
綠紗簾簿。看苔錢色上梅花。碧透何郎官閣。

解語花

咏美人捧茶和王元美韻

蕃馬屏風。雛鶯庭院。竹下茶聲細。粧樓小倚。闌干外。汲
取春流淺試。乳花銀盞。烟裊上綠鬟。千縷。溜橫波。鑪火
初紅。儘帶嬌憨意。捧處輕搖。蟬髻問阿誰。年少消受
珠鮮玉脆。語笑處。故惹檀郎驚起。沉香亭。婢只領

暑凝酥。乍麗。怎如伊。生小江南。偏解旗槍味。

王阮亭云羊酪風味那得有此。妙在題之左右前後別有皴染。

咏美人捧觴和王元美韻

楚天卯色。吳地鶯聲。惹得愁千斛。春衣慢贖。且泥他粉
白。斟來蟻絲。蓮鈎小蹙。行過了銀屏六曲。彈烟鬟。縹色
杯輕。帳裏圍頰玉。笑顛流蕪影。簇怪伴醒不醒。哥依
金谷。玉郎低囑。沉醉也。休作難人題目。若心暗。逐羨杯
底鴛鴦同宿。趁花酣。雙抱紅篝。圖取春眠足。

王西樵云楚天卯色四字妙處又在屈宋之外。沉醉九字妙絕。第恐題目更有難于此者耳一笑。

夜合花

爲丁子磴催粧

人柳腰眠。聖檀額注。犢車催下屏風。勝常道罷。腮邊春
暈微紅。呼燕燕。喚蟲蟲。桂堂西。小著輕容。問伊姓氏。父
名鄭季母號樊通。鶯聲夜半玲瓏。多少帳前細咳。爾
汝歡儂。今宵夜冷。勸郎文籍休攻。蘭缸細鴨。鑪濃卸花
簪。早倚薰籠。羨他大婦偏憐。敬禮代掩珠櫳。

王西樵云勝常二句一幅好畫鶯聲三句則畫不出也。○余無題詩有病餘弱態眠人柳愁裏殷痕損聖檀之句是少日作聖檀二字人所罕用讀其年此詞知玉笋金盃在博學家原非祕典也

換巢鸞鳳

咏燭

暝色初臨。正金荷灼灼。鳳脰沉沉。燒殘終有淚。剪斷豈
無心。饒脂注得。十分深。光翻金粟。影動瓊林。春檠上看
帶笑花開似錦。瘦沈躊躇甚。曾記華堂半滅情難禁。
金鑰傳時。玉堂難處。對對紅酥翠沁。蓮燈緩導。上元遊。
蘭膏濃挽。平康飲。如今絳蠟。照人長是孤寢。

鄒程邨云唐人燭燭成灰。淚始乾。僕亦云燒殘絳蠟。豈無心。總不如張次壁流淚到天明。爲妙。何意陽羨生備有。其勝。

曲游春

花朝

穠春無限好。正雲剪春羅。水鋪明鏡。滿目紅芳。記淡烟
斜日。江南時景。紅板橋。西路有萬縷綠楊。拖徑更憐次
第風光。巧鬪吳娘花勝。回首天桃露井。憶檀板銀罌。
那時恨。並人在花朝。有嬋娟姿格。玲瓏情性。自後堂分
袂。長則是如醒似病。可惜憔悴蘭成。淒涼家令。

絳都春 第二體

乙巳元夜

春宵三五正碧雲合處。水輪斜挂。暗省年光漫數。韶華
偏沾惹。平生舊事都忘也。難忘是鳳城鴛瓦。無燈無火。
有花有月。偶然吟寫。此夜追歡買笑。有天街似水。暗
塵隨馬。詎料而今。幾陣東風。誰樓下。吹去了香車羅帕。
春衣卸。思量如乍。且尋故老。開元月。明關話。

石州慢

憶舊用高季迪韻

醉拍雕闌。思憶從前。淚珠頻灑。東陽倦沈。多愁多病。瘦
軀堪把。水市津樓。奈他繡被濃香。舊時閑事。偏縈惹。顛

倒覓烏絲檢霜毫細寫。妖冶此夜蟲蟲曾囑監奴。葳蕤慢下。且湘簾銀燈邀人白打。摘盡銅籤小婢故惱人。行。任他嘶斷門前馬。懊惱後堂前。又年光換也。

玲瓏四犯

月下聞笛

三五良宵看雲月澄鮮。幽輝盈抱。羈旅無眠。愁思幾番。縈繞滿園春水空濛。映翠竹枝枝斜裊。恰嘹唳誰家入破。遙想小樓空悄。因思天寶梨園隊。有金雁鈿蟬絕妙。更偷把寧王玉笛吹徹。誰知道。一自華清人散。繚垣

外閒花野草。歎此生頭白天涯。再聽伊涼別調。

王阮亭云綉

嶺宮前人語

霓裳中序第一

咏水仙花次尹梅津咏茉莉韻

珠櫳寒粉。靨偎罷銀篝。紅獸熱。恰值青霜騷屑。有一種。瑤芳白花翠葉。海天皓月。羨玉娥生長。綃闕斜春渚。竟川含綠。一笑嫣然絕。妙絕頓成離別。長則伴兒家粧篋。有時墜落簾第。看盡人間多少蜂蝶。五銖寒到骨。悵千里洞庭飛雪。傷情也。舊家何處。悄對素梅說。

王阮亭云出門一笑大江橫亦傳水仙之神異
曲同工矣○結句是史梅溪高竹屋神到處

憶舊游

寄嘉禾俞右吉朱子葆子蓉

松陵東去路○記水程烟驛幾多般○鴛鴦湖裏泊○重城燈
火○一派潺湲○船樓玉人行酒○碧浪瀉紅顏○更暮塵丹鱗○
綿濛黛甲○上下哀湍○十年成間別○想怪侶狂朋○一樣
啼斑○縱玉清歸去○怕滿天風露○猶憶人間○只是南湖柳
色○憔悴不堪攀○長望語兒亭○故人爲我且加餐○

齊天樂

暮春風雨

小樓昨夜東風到○吹落滿園空翠○時有茶烟○絕無入影○
好箇他鄉天氣○淒涼欲死○見燕剪平蕪○柳掩春水○暗省
從前○如塵似夢○最難記○當年曲院寒食○鶯香花更煖○
許多情事○金斗猶溫○玉釵還響○已送愁人到此○也思寬
慰○奈把酒聽歌○幾番不是○暮雨瀟瀟○記吳娘曲子○

王西樵云只命題四字讀之
已難爲懷抱况復情語如許

王阮亭云時有茶烟入字
髣髴禪榻寫得癩靜可想

水龍吟

江行望秣陵作

輕○舟○夜○剪○秋○江○西○風○鱗○甲○生○江○面○瓦○官○閣○下○方○山○亭○外○
 驚○濤○雪○片○一○帶○蔣○州○千○尋○鐵○鎖○等○閒○燒○斷○只○波○間○皓○月○
 流○光○欲○下○舊○曾○炤○金○陵○縣○何○處○迴○颿○過○鼓○更○玉○笛○數○
 聲○哀○怨○回○思○舊○事○永○嘉○南○渡○流○人○何○限○如○此○江○山○幾○人○
 憐○惜○斜○陽○斷○岸○正○江○南○烟○水○濛○濛○飛○盡○楚○天○新○雁○

王西樵云前後兩結皆是寫景而情在其中鱗甲生江面亦是奇語

王阮亭云劉賓客探驪得珠差可并傳舒王未堪作僕

瑞鶴仙

上元和康伯可韻

昔○游○思○後○苑○記○天○上○月○圓○人○間○月○半○六○街○笑○聲○滿○看○火○
 蛾○金○繭○春○城○飛○遍○琳○宮○瓊○觀○隨○處○掛○鰲○山○燈○爛○最○銷○魂○
 深○巷○殘○更○小○顛○門○邊○雙○鉤○休○羨○無○多○勝○景○有○限○芳○辰○
 不○堪○追○玩○紅○篝○熏○煖○和○衣○臥○誰○低○喚○怪○流○光○一○去○鈿○車○
 羅○帕○吹○煞○東○風○不○轉○只○玉○梅○稍○上○冰○輪○依○然○相○見○

王西樵云小顛門邊雙鉤何減手燃玉梅低說

鄒程邨母夫人壽

千○金○今○夜○直○羨○阿○母○白○髮○珠○袍○一○色○稱○觴○蓬○閭○側○有○南○

路豪家。東朝貴客。華鬪列戟。向尊前。篋醉擘。倩何人
笑問君家。家本難忘。易識。猶憶曾陪董相。閒過鄒陽。
讀書騎射。賢哉湛母。截髮親爲置食。看懷清臺畔。夫人
城上。無論功名赫奕。只膝前有子。談天生兒亦得。

南浦

泊舟江口

吳檣晚眺。看隔江。螺髻碧離離。龍虎銷沉無據。往事不
勝悲憶。昔曹公飲馬。對江流。橫槊賦新詩。羨三吳人物。
伯符公瑾。年少更雄姿。今古茫茫天塹。捲神鴉。日暮。

舞空祠。多少南朝事業。斷岸盡殘碑。月白估船銅斗唱。
西風外。雲水瀾瀾。歎多愁洗馬。銷魂偏在渡江時。

王西樵云何減蕪公大江
東去故知兩鬢伯仲間也

氏州第一

秋日懷東臯諸子用周美成韻

千片菱荷零亂。簾捲西風。人倚樓小。橫竹冷冷。峭風歷
歷。一碧遠天縹緲。非淡非濃。颭水國。村村斜照。中酒心
情。欲寒天氣。暗催人老。三十六鱗江上少。奈無限舊
愁繚繞。沙鳥將雛。江鳧傍母。秋水柴門抱。正搓橙時候。

也題糕近。龍山歡笑。寫盡吳牋。盼晴空翠屏都曉。

綺羅香

清明感懷

綠水樓臺。青春院落。又是韶華百五。餽粥榆錢。過了匆

匆時序。怕今年玉剪來時。是去年鈿車停處。最難憑輕

煖輕寒。天涯羈客甚情緒。少年此日嬉游。有窺簾綺

態。當壚俊侶。一自飄流。冷落天桃門戶。西樓外幾陣鶯

花。北邙土一堆。羊虎向斜陽。斷碣殘碑。多少橫官路。

王西樵云古臥樂游原詩尚未到此

初夏連夜於許茹庸仲修席上看諸郎演牡丹

亭有作

許椽多情。清和佳節。連夕嬌歌妙舞。料得眉峯碧到愁

時都聚。記昨宵銀瑟初停。又此夜紅牙再補。看一羣燈

下諸郎。依稀盡解此情苦。獨有江東客。為家山路遠。

倍增淒楚。回首朱門。畧記蠶娘庭戶。好院本全部笙簫

沒心情。半生羈旅。比年時攜手聽歌。多了黃昏雨。

王西樵云極淒艷之致多了黃昏雨五字尤妙

金盞子

咏燈

一盞紅缸灑玉膏。鴛鴦綃緞處偏凝。春夜照梳頭。蓮籌香
淒清牙蒜犀釘。便教煎盡銀荷。奈芳心耿耿。敲翠竹悄
喚綠翹。簷前蘭燈將暝。喚遍無人。應且獨自織手。靠
粧臺。挑鳳脰。宛轉處重思省。當時風細。人靜。曾假壁帶
流蕪。剔銀虹。潛等紅欄冷。空對並蒂燈花。怎生相稱。

王西樵云作此寂寂故使燈花笑人與迴心院詞
偏是君來生采暈對妾故作青熒熒各有其妙

王阮亭云草蛇灰線之
妙非粗心浮氣可語

永遇樂

烏絲詞京口渡江用辛稼軒韻

如此江山。幾人還記。舊爭雄處。北府軍兵。南徐壁壘。浪
捲前朝去。驚帆蘸水。崩濤颭雪。不為愁人少住。歎永嘉
流人。無數神傷。只有衛虎。臨風太息。髯奴獅子。年少
功名指顧。北拒曹丕。南連劉備。霸業開東路。而今何在。
一江燈火。隱隱揚州。更鼓吾老矣。不知京口。酒堪飲否。

王阮亭云合肥流水青山送六朝可與髯交美

王西樵云流水青山送六朝是才子語浪捲前朝去
是英雄語余亦有寒江失六朝之句然不堪與髯作
奴

程崑崙云京口渡
江此詞常擅場矣

詞人無嫌。高只青蒲。潮風太息。津成。離于。平少。
前。博。去。蠶。神。蕪。水。崩。氣。颯。雲。不。為。愁。人。少。封。燧。永。嘉。
吹。北。山。幾。人。數。暗。蒼。年。壯。歲。北。軍。兵。南。翁。望。壘。新。
永。東。年。鄭。工。用。辛。紆。掉。離。

詞人無嫌。高只青蒲。潮風太息。津成。離于。平少。
前。博。去。蠶。神。蕪。水。崩。氣。颯。雲。不。為。愁。人。少。封。燧。永。嘉。
吹。北。山。幾。人。數。暗。蒼。年。壯。歲。北。軍。兵。南。翁。望。壘。新。
永。東。年。鄭。工。用。辛。紆。掉。離。

烏絲詞 卷四

宜興陳維崧其年撰

長洲宋實穎既庭評

武進董以寧文友

休寧孫 默無言較

長調

尉遲杯

別况

春江上。見鷓鴣濛濛飛碧浪。草間珠露猶垂。岸左紅蘭

纔長東風斜日。小玉門前纜鳥桄。正離人好夢初醒。雙
擁紅篝凝想。因念十載漂零。長則在水驛烟程來往。
手把金尊和淚說。枉說是畫眉張敞。如今便花開花謝。
祇憑得紅襟梁上。講送郎行。獨凭小樓。櫓聲水面搖響。

二郎神 第一體

春寒感懷

餽釘天氣。况是天涯羈旅。怊悵類浮萍。飄泊碧波南浦。
傷情不語。且檢紅綿燈下看。瞥見了深閨針縷。想當日
執手叮嚀。預料春寒如許。凝佇。沉吟欲著。幾番推去。

任春衣紅藤箱底閣。甘領受疎風。懶雨。擬向春江傳此
意。奈江上雙魚無據。恨點點楊花。疊疊青山。遮人歸路。

王阮亭云讀此詞
令人增伉儷之重

二郎神

咏梅子

一株梅子。正纍纍粉紅墻後。問葉底枝頭。爲誰酸楚。却
又爲誰消瘦。太息春歸誰來問。記不起鶯花如綉。向杏
杏簾櫳。陰陰院落。伴人長晝。纖手幾番小摘。已醒殘
酒。更撚向粧臺。玉娥低說。曾見依稀如豆。翠已漫空黃。

偏。做。雨。又。到。傷。心。時。候。箕。顛。顛。冷。香。鬆。脆。想。爾。料。難。勝。
口。

合歡帶

為吳陵宮掌雷賦催粧詞

羨。緋。羅。燭。吐。銀。墻。燈。影。背。響。鳴。璫。夾。路。如。花。還。似。霧。戟。
門。前。步。步。荀。香。劇。憐。春。夜。花。融。錦。瑟。月。亞。金。堂。况。畫。眉。
夫。婿。清。河。小。弟。杜。曲。諸。郎。紗。籠。徐。引。繡。幙。斜。張。藍。橋。
擣。就。玄。霜。瓊。島。仙。花。偏。並。蒂。珠。簾。畔。一。朶。笙。囊。朝。來。更。
喜。五。銖。裙。細。百。子。釵。長。問。傍。人。宜。稱。何。如。生。憎。喚。作。宮。

粧

王阮亭云
宮粧奇妙

花發沁園春

月下布席綠萼梅花下同友人小飲

借。月。為。花。將。花。做。月。濛。濛。一。樹。皴。玉。銀。梳。篩。春。瓊。簫。煖。
夜。值。得。珍。珠。幾。斛。冰。肌。睡。足。更。掩。映。生。綃。六。幅。念。月。姊。
徹。夜。孤。寒。梅。妃。自。小。幽。獨。花。影。風。搖。簌。簌。任。春。城。夜。
闌。畫。鼓。頻。續。金。爐。燼。處。珠。斗。斜。時。月。與。梅。花。微。綠。清。輝。
滿。目。擗。吹。滅。枝。枝。銀。燭。夜。深。沉。我。醉。休。扶。和。月。和。花。同。

宿。

王西樵云玲瓏關映章法從唐人春江花月夜
得來玆玉二字勝唐人玉鱗寂寂斜月七字

玉阮亭云萼綠華來無定所乃為陽羨瞥遇○彭十
賦螢蓮二闕僕為氣盡今又得陳髯勃敵兩雄厄我
奈何

瀟湘逢故人慢

題余氏女子綉柳毅傳書圖為阮亭賦

龍綃一幄。有靈芸針線。刺鳳描鸞。秋水漾波瀾。正洞庭
歸客。憔悴思還。牧羊龍女。恰相逢。雨鬢風鬟。看多少沙
明水碧。一天愁緒漫漫。却又早來橘浦。見兒家綃宮

璇關激水生寒。貴主下雲端。更箱開青玉。珀映紅盤。海
大良夜。論恩情。可似人間。綉到此。料應長歎。眉峯斜蹙
湘山。

送王亦世歸漢陽兼寄懷人

西風湘楚。正湘竹如啼。湘禽如舞。湘岸飛湘雨。更淥水
微波。青山可數。幾幅烟帆。採不盡白蘋紅杜。想此際仙
令歸艫。一派江山今古。女娥祠。巴子國。看歷歷晴川。
萋萋芳樹。風外催津鼓。恰人在洞庭。秋盈橘浦。官舫瑤
琴。總彈破沙清月苦。倩楚塞白雁同歸。并寄阿戎此語。

王西樵云如見湘潭
雲盡九疑如黛也

王阮亭云僕舊一
詞亦疊七八湘字

泛清波摘遍

咏沼內紅魚

吳娘水閣。幾曲金塘。時聽紅魚跳波響。翳然花竹。日高
舟尾浮菰蔣。粧臺上。傷春天氣。中酒心情。斜溜明矚還。
細相照。水釵傾。投餌鬟偏。幾遍惆悵。朝霞漾。寄到啼
滅。染血帶得落花鋪絳。愛爾絕代紅粧。水雲高曠。渾無
恙。嬌鳥籠底去來。美人影。中生長。莫管畫溪笠澤。粘天

風浪

王西樵云賦沼內紅魚。直有如許妙想。令人感其爲
咏物詞。此謂才情雙擅。讀至美人影中生長。又爲
閑情賦中添一語
日願在物而爲魚

擊梧桐

酒闌感賦

被酒陽狂。當歌慨慷。幾遍雄心駭。蘆中人。竈下養市
南屠狗。城東賣醬。更邀昔日知交。自擲劇飲。掀髯抵掌。
擊碎唾壺。拍碎胡琴。舊事流波。一往。想像衣香沉吟
手粉。十載後堂情狀。燈地後。夢回時。曾否玉人無恙。醉

後○猛○然○思○省○人○生○何○必○定○多○情○且○潦○倒○短○衣○射○虎○學○藍
田○李○廣○

王西樵云前半游俠後半浪
于合做一團寫出才人本色

鄒程邨云人生何必定多
情髯特以詛語作達語耶

一萼紅

寒食記事

玉○津○園○記○箇○儂○門○巷○淥○水○漾○呆○思○社○燕○低○飛○飭○簫○輕○弄○
東○風○隋○柳○如○絲○正○客○裏○禁○烟○天○氣○趁○流○鶯○啼○處○立○多○時○
蒜○押○雙○搖○藥○欄○九○轉○瞥○見○師○師○十○五○破○瓜○年○紀○恰○梳

頭○纒○了○緝○額○偏○遲○紅○玉○勾○人○碧○虛○留○客○篆○烟○半○裊○金○猊○
魂○斷○是○瓊○闥○有○縫○迸○他○修○竹○兩○三○枝○料○爾○一○春○寒○側○長○
倚○腰○肢○

薄倖

賦得水晶簾下看梳頭

戟○門○春○煖○紅○日○漾○圓○冰○清○淺○奠○一○帶○茱○萸○牕○網○便○是○箇○
儂○粧○院○素○領○巾○半○幅○烟○綃○行○來○剛○被○微○風○捲○更○點○點○斜○
紅○溶○溶○泓○黛○嬌○面○欲○勻○還○嬾○恰○十○載○傷○心○事○釵○響○衣○
光○何○限○只○玉○纖○撩○髻○春○葱○緝○額○一○番○回○想○腸○應○斷○風○流○

放誕記千金艷質粧成愛映春流看別來香閣峭冷尖寒應滿

王西樵云釵響衣光何限六字撩亂人心目幾許通首情深詞綺使元郎自賦恐未必能爾也

風流子

南徐春暮程崑崙別駕招飲南郊外園亭同方爾止孫豹人談長益鄒程邨何雍南程千一

賦

來時寒食近且近耳詎料竟殘春正僕本多愁何妨作達官如不醉遮莫傷神見此際酒旗斜喚客榆葉弱縈

人燕子風前是何言語柳條烟裏別樣腰身名園行樂處追歡笑何限寶馬香輪况遇風流刺史瀟灑遺民奈東望蔣州春潮拍拍北來瓜渚暮雨紛紛還怕當歌對酒忽又沾巾

王西樵云警雋之中一往有深情

翠樓吟

席上贈伎時伎三日後卽落樂籍

銀甲捱纂珠條絡鼓清歌屈柘如縷人到離筵裏儘眉黛愁將碧聚縱橫玉筍似綠柳縈烟紅蘭著露畝雁柱

一場春夢沒些情緒。他日縱過侯門。只光延坊畔櫻桃一樹。奈銅輿催上。更糝遍一街絲雨。橫波重注。看斜側帽簷銷魂無語。紅燭底。新官舊主。一般胡覷。

王西樵云。新人橋上著春衫。舊主江頭側帽簷。願得化爲紅綬帶。許教雙鳳一時銜。是此伎意中答語。更糝遍一街絲雨。七字沁心驚骨。

小梅花

感事括古語。做賀東山體。君莫喜。羊叔子。何如銅雀臺前伎。拍檀槽。橫寶刀。屠門大嚼。亦足以自豪。人生有情淚沾臆。雖壽松喬。竟何益。

將黃鬚。眺五湖。如此江山應出孫伯符。傷心東可憐。子卿復何爲爾。大江東。一帆風來。往行人間。坐說玄宗。連昌宮中滿宮竹。白項老烏啼上屋。穆提婆。蕭摩訶。且自吾爲楚舞。若楚歌。

前題

咸陽樹。驪山路。可憐當日作事誤。殷仲文。王衛軍。國家此輩。要是可惜人。憶君清淚如鉛水。奴見大家心亦死。令壺醜。收中吾。聊且酒酣耳熱歌嗚嗚。莫櫟釜。行學佔羞與噲等伍。金屈卮。楊叛兒。阿奴今日不減向子期。

生子當如李亞子。奴價今年大勝婢。轂朱丹作高官。未若小樓吹徹玉笙寒。

王西樵云。驅使李延壽如數家珍。更復磊落渾脫髯於此大不凡。

女冠子 第二體

詠美人坐禪和彭羨門原韻

蕭蕭禪榻百和旃檀薰透。花冠啼罷。烏龍睡熟。紫竹清幽。黃幘瘦小。袒緋羅袖。雙疊湘裙。紅吐花邊。一綰最憐他。跌坐桃笙。一派秋江綠皺。靈山參破。風幡後。柰十年前事。終向心頭。有佳人不偶。記惜玉情懷。竊香時候。

迦文消夙垢。正值鍾聲報午。苔陰移晷。閭籠中白雪。衣娘一卷名經完否。

王西樵云。雙疊二語香蓓欲絕。

洞庭春色

甲辰除夕懷西樵司勳阮亭主客

歸去來兮。鬪鷄走狗。閭巷沉浮。歎臣之壯也。如人何事。身將隱矣。于世焉求。四十男兒。悲老大。笑那便車前少。入騶填胸事。看人奴笞罵。一半封侯。回首風塵萍梗。怪年來長。倚迷樓。記廣陵風景。青山綠水。瑯琊兄弟。長

史司州名士終朝能妄語更頭沒杯中笑不休紅燭夜
對故園椒酒想爾風流

王西樵云讀此詞

使老狂緬然半晌

王阮亭云名士終朝能妄語家兄與下官不敢多讓

玉山枕

咏白鸚鵡

小院清麗蜻蜓翼空如水楊花門戶梨花院落風漾金
籠踰躑不止雪衣簷畔誦迦文恰生小怕施朱翠有玉
奴夢醒無慘撚瓊枝向月中調戲尉佗臺上當年事

心兒內重提起拋家離井好風良夜腸斷三年魂消萬
里從來薄命玉容人也只是飄零如此倩銀鴻問訊珠

娘素馨花想此時開矣白鸚鵡來自嶺南故云

王阮亭云程邈昔爲僕咏

白鸚鵡甚工陽羨勅敵

沁園春

廣陵客邸送緯雲弟之歸德

客裏送行蕭統樓頭且盡一杯正節近清明柳絲漸長
時逢上巳燕子將來兄往淮陰弟游河北兩地翻飛立
馬催斜陽外見各天鴻雁顧影徘徊市樓轟飲如雷

笑我輩豈常貧賤哉。奈花號將離。爾心欲碎。地名蕪苑。我賦偏哀。此去睢陽也知懷古。有日經過古吹臺。還應問有兔園上客。狗肆奇才。

鄒程邨云直是慷慨以慨

山東劉孔集招飲廣陵酒家係故郭石公宅

魯國劉生笑賣寶鞭。攜上糟丘。更一時意氣。徐陵袁紹。六朝才調。綠情紅鞵。如此人生。奈何不樂。况值離鴻叫暮秋。憑闌望。見風廊水榭。丹漆雕鏤。當年此地風流。記畫戟門開。溝水頭。羨羊侃侍兒。彎弓貼地。李波小妹。走馬當樓。蔓草斜陽。空園絲雨。爭說汾陽郭細侯。還長嘯。只眼中花月。誰似揚州。

冒天季五十書贈

慷慨悲歌。旁若無人。進君一觴。更四絃入破。聲哀以思。三更被酒。臣醒而狂。末路崎嶇。舊游零落。哀樂縱橫。不可當。生平事。曾短衣匹馬。錦瑟紅墻。歲華一去堂堂。又半百。蹉跎黯自傷。歎醉必沾襟。是兒可念。飛而食肉。此志難忘。人道買臣。今年富貴。路鬼揶揄笑。一場重酌。酒看玉山筵上。今夜顏唐。

王西樵云闕此用蕪子
美讀漢書法句浮一鰲

泊舟惠山看六朝松并艮嶽石

昔歲我來乘白羊車著紫鼠裘愛支離者叟霜皮黛甲
玲瓏者丈雁蕩龍湫王謝家兒宣和遺老爾正愁時我
亦愁曾經過看累朝興廢百代王侯別來歲月如流
歎赴壑修蛇掣不休又風吹雨溜幾場兒戲藤纏蘚蝕
一樣蜉蝣石豈能言樹猶如此何怪書生竟白頭重來
到吹一聲鐵笛叫破孤秋

王西樵云一起便似畸人行徑
故以下媿媿盡情無一凡語

為泗州謝震生廣文題影兼送其之任山陽

我愛先生其冷者官其熱者腸羨康樂宣城君之家世
蟻珠浮磬此是家鄉人道馬曹我知魚樂首藉堆盤也
不妨吳綾上問傳神阿堵何物長康纔成半闕淒涼
忽念爾將離黯自傷記淡月微風曾經批抹好花新茗
相與平章此去淮陰古多惡少我欲乘游醉幾場君求
我在韓侯臺下漂母祠旁

王西樵云送廣文詞難得此跳盪
前段題像後段送之官格尤老絕

入歸

二月十一夜風月甚佳過水繪園聽諸郎絃管
燈下因遣家信凄然不成一字賦此以寄閨

人

彈得絃清飄來笛脆曲室諸郎歌管他鄉風月佳無比
只是中年以後心情頓懶遙憶故園粧閣上鎮玉臂雲
鬟淒斷傷心處何事尊前聽一聲河滿却是絳河欲
沒珠繩乍轉畫角蕉樓哀怨舊事如塵新愁似夢可惜
一場分散奈天涯滋味瞞不過南歸魚雁吮霜毫纔提
還倦莫慮春寒羅襟紅淚煖

王西樵云舊事如塵新愁似夢那得不心情頓懶

王阮亭云瞞不過南歸魚雁恐如輸黃龍一雙耳試以訊阿徐如何

摸魚兒

家善百自崇川來小飲冒巢民先生堂中聞白
生壁雙亦在河下喜甚數使趣之須臾白生
抱琵琶至撥絃按拍宛轉作陳隋數弄頓爾
至致余也悲從中來併不自知其何以故也
別後寒燈孤館雨聲蕭槭漫賦此詞時漏已
下四鼓矣

是誰家本師絕藝檀槽。招得如許半灣邏。渺無情物惹。
 我傷今弔古。君何苦。君不見。青衫已是人遲暮。江東烟。
 樹。縱不聽琵琶。也應難覓珠淚。曾乾處。嗚嗚然也。恰似。
 秋宵掩泣。燈前一對兒女。忽然涼瓦。颯然飛。千歲老狐。
 人語。渾無據。君不見。澄心結綺。皆塵土。兩家後主。為一。
 兩三聲也。曾聽得。撇却家山去。

王西樵云縱不聽琵琶三句是深情種子故涉筆便
 哀艷交至○可敵吳祭酒琵琶行一序頓挫中更極

沉鬱極
 似吳語

王阮亭云視汴州司馬更是
 可念○兩君不見章法奇

賀新郎

雲郎合卺為賦此詞

小酌醱醲釀喜。今朝釵光篋影。燈前澆漾。隔著屏風。喧
 笑語。報道雀翹初上。又悄把檀奴偷相撲。朔雌雄。渾不
 辨。但臨風私取春弓量。送爾去。揭鴛帳。六年孤館相
 依傍。最難忘。紅蕤枕畔。淚花輕颺。了爾一生花燭事。宛
 轉婦隨夫唱。努力做藁砧模樣。只我羅衾。渾似鐵擁桃
 笙。難得紗窗亮。休為我再惆悵。

王西樵云撲朔句髯大錯
 撲朔故有辨當謂迷離耳

王阮亭云婢作夫人尚
然羞澁况藁砧模樣耶

賀阮亭三十

牛馬江東走。陪滿座。鄒枚上客。為君稱壽。七葉貂蟬連。
鳳闕。坐擁銀箏翠袖。又兄翁才雄八斗。三十王郎年正。
少恰黃金鑄印。雙懸肘。此意氣古無有。淡黃十里隋。
堤柳。更多少。竹西歌吹。樊川詩酒。滿日關山原不惡。只。
是繁華非舊。莫惟有文章不朽。簌簌珠簾人不捲。看使。
君燈火春城口。依稀羨歐陽守。

王阮亭云自顧不足當
此但卿言亦復佳耳

瓜步與姜子翥

佛狸祠下別。看此處江花如練。江烟似織。憶昔結交堅。
戴笠江左。周郎英發。正爛醉金釵之側。宋玉右計倪草
俱大俠。更穎川年少風流客。仰天嘯冠纓絕。十年往
事同陳蹟。恰傳聞洛陽金盡。櫟陽獄急。一旦二桃疑盡。
釋廣柳車中人出。又買得如花小妾。送客驚心千萬里。
但銷魂此際。真愁絕。吾自有崩通舌。

王阮亭云終
似不受人憐

甲辰廣陵中秋小飲孫豹人漑堂歸歌示阮亭

把酒狂歌起。正天上琉璃萬頃。月華如水。下有長江流。不盡多少。殘山剩壘。誰說道。英雄竟死。一聽秦箏人已醉。恨月明恰照吾衰矣。城樓點打不止。當年此夜吳趨裏。有無數紅牙金縷。明眸皓齒。笑作鎮西鸚鵡舞。眼底何知程李。詎今日一寒至此。明月無情。蟬鬢去且五湖歸伴魚竿耳。知我者阮亭子。

王西樵云大有芒芒交集之意。只明月無情。蟬鬢去。七字讀之。我亦欲愁。王阮亭云。拔劍斫地。低昂久之。故非東武不知陽羨。

月夜看梅花

皓魄光微淥。喜東風瓊枝璧月。清輝景最。顧影娉婷無一語。吳女纖腰初束。斜倚在珠闌曲曲。看到夜深風露冷。浸簷前一片團圓玉。吾醉矣。共花宿。愁腸被酒還相觸。且狂歌。莫言興盡。再斟醽醁。忽憶開元當日事。中有梅妃蛾綠。何必羨玉奴新浴。可惜樓東三十樹。雨霖鈴都做連昌竹。花應歎。睡難足。

王阮亭云。沉香玉笛。累及梅精。古今恨事爭奈。嬌波不顧人。悔將何及。讀鬢此詞。為之淚下。

乙巳端午寄友用劉潛夫韻

醉凭闌干吐。倚清狂橫陳冰簟。後堂無暑。聞道吳兒工。

作劇弔屈龍舟似虎。我欲唱公平無渡。纍自沉湘卿底。急在教人搥碎。迴颿鼓楚江畔。葦花舞。陡然磊魄多如許。喚靈均前來共語。醉君椒醕。呵壁荒唐。何必問死累人間。角黍尚不及伍胥。濤怒忽發。狂言驚滿座。料諸公知我。心中苦酒醒後。重懷古。

尤悔菴云吐字奇叶更勝彭十筮篥句
荒唐三語翻案陡奇直是眼空一世

爲冒君苗催粧

遲日嬌鶯。轉簾輕風。半欄芍藥。參差人面。珠絡流蕪。犀壓角十里龍綃。微捲料好夢。一春曾選。節近菖蒲。喧笑

語借五絲先做同心纏。畫梁上乳雙燕。笙歌沸處蓮籌轉。剪銀燈紅酥檀暈。暗窺韓椽小第。陸家工贈婦。春蚓花箋。蟠徧何況是丹青。能擅百種烟鬢。俱易畫遠山眉。第一須惹情。看小試君苗硯。

王西樵云借五絲先做同心纏
看小試君苗硯皆雋不傷雅也

夏雲峯 第二體

夏雨

楚簟生波。湘簾著水。夏淺勝春時候。豆棚底。心情小惡。棟花外。年光空逗。記三春帽影衣香。漫細數。踈狂未居。

人後奈六幅蒲帆歸吳。雖健却又愁如中酒。况是梅
天絲雨。儘接藍野水。點來都縐。一生事。秧車催去。四
月景。蠶房擱就。倚小樓看盡吳田。只漠漠陰陰。不堪回
首。且白練裙綠苔。錢閒寫小詞懷古。

尤悔菴云絕

似閨閣心情

引駕行

東既庭

全吳館內。破楚門邊。十年事記冶遊作使。與卿並倚吳
閣。清狂簾前璧月。橋頭畫殺。鈿轅畔。游閒公子。紅燭銀

箏。醉玉溫香。平康况曾經邂逅。枇杷巷口。掃眉娘。想那
日妖嬈喚馬。藥欄微雨。碧城涼。難忘。無端一別。腰身
瘦盡。東陽奈曉風殘月。夢回酒醒。往事微茫。堂堂問江
東。士女塗轍。誰令我輩。妨料章華才子。也應點兩鬢吳
霜。

王西樵云讀此那得不喚
奈何那得不思掘顧榮塚

蘭陵王

春恨

香腮托。人與梨花俱弱。東風外。斜壓香衾。感損瀟湘遠

山角鏡鸞空掩却。愁覩玉肌減削。又不是中酒傷春盡。
日沉吟倚粧閣。唾花裙上落。奈紫棧纔溫。紅綿正薄。
水晶簾額輕寒絡。更陣陣春雨。懨懨殘日小。樓欲睡那
便著。且自漱春酌。飄泊舊時約。只柳綿花絮。年年如
昨。綠徧平蕪天又各。念馬嘶門外聽來常錯。清明寒食。
無限恨。燕子覺。

鄒程邨云顧菴學士箕同心還是心心各與此各字俱妙。能以險韻作穩用非姜史諸君不能。

十二時

偶憶

綿濛二月如酥雨。做出銷魂天氣。更獨客冷清清地。拚
則向紅篝倚。燈炮香焦。天寒酒醒。往事難提起。想那日
元夜。迷藏。襖日鞦韆。人在綠楊絲裏。更當初。戟門嬉
戲。一部烟花軼記。簾畔分釵。屏間借曲。無限懨懨意。便
海棠月上。夜深誰放花睡。奈幾年。飄零羈旅。邑隔千
山萬水。昨歲銅街記。曾一見。隱隱卓金車子。恰柳花如
夢。又早香輪過矣。

王西樵云此詞章法妙絕結法尤好。試問柳花如夢香輪早過時較子城斜處女墻彎裏情味何似。

大酺

七夕坐客大合樂漫賦

歷歷銀颺簾外落。又是一番節序。今宵停寶杼。正南部
 烟花。西風牛女。端正窺簾輕。狂換盞。多少良儔俊侶。有
 白髮何哉。青春張緒。流商刻羽。漸露濕瓜筵。月穿針孔。
 紗幪無暑。醉搖梔子樹。是鬱金堂後。西偏路。誰知道。
 三生杜牧。前度劉郎。重來還到聽歌處。鈿盒一朝分記。
 不起長生私語。算此際情偏苦。離多會少。豈獨天邊河
 鼓。客且歌。完金縷。

王西樵云老夫心如泥絮讀醉搖梔子以下七句猶為惘然久之

多麗 仄韻體

題余氏女子繡陳思洛神圖為阮亭賦

問多情。今古誰堪。雄長也。無如曹家天子。西陵臺上。虛
 帳更傳聞。東阿子建。少年情緒。駘蕩水上明珠。波間翠
 羽。洛神一賦。神飛魂愴。只一事家。王薄行。難對中郎將。
 恐他日黃鬚。兒子亦起非望。又剪出輕雲態度。綉成
 流雪情狀。歎香閨一雙纖手。比似文心。誰瑜亮。便使當
 年袁家新婦。自臨明鏡。圖嬌樣也。還怕傳神阿堵。宛轉
 須相讓。凝眸處。婀娜華容。千秋無恙。

王西樵云起四語大槩與阿瞞壽承文一闕殊異唐突故以此謝耶袁家新婦四字大是春秋之筆

前調 平韻體

為李雲田周少君寶燈題坐月浣花圖

媛紅篝。月輪斜挂。粧樓恰雅。欄香閨心性。下階小試蓮
鈎好風篩。窗紗影碎。涼露浸。簾縠紋流。裙帶微飄。玉奴
私語。人生易值。此宵不。何況是。楚天巫峽。李漢 陽人 嫦娥別
種清幽。羨此夜月光人面。端正溫柔。漸滿砌。鈴聲紅
藥。如啼欲睡。疑羞倩輕綃。秋棠宜盥。央小玉夜合將收。
更與傳言。月波堪昏。莫問銀床玉井頭。想像處。花前人。

月。永夜費凝眸。還只怕。畫圖難肖。搦管增愁。

王西樵云點逗花月處絕有次第更與傳言以下又作三波末結出題畫意意趣法度可謂雙到。裙帶

三語別怨在內雲田須省

箇儂 原名六醜楊升菴易今名

孫坦夫招飲女史澹容家分賦

轉辦蓮巷左。見梵字粉紅墻角。恰直箇儂。曉粧勻面藥。
花冠啞啞。正蟬窗象格。西風輕颺。有碧桐花落。襲紈秀
鬢工調謔。人是雙文。藝精六博。種種玉纖花弱。喜宿醒
微析。春心猶惡。酒狂如昨。但人生行樂。此際秋娘最

憐輕薄。樽前况有韓嫣。碧雲天。偷擬鸞簫低學。更主是多才孫綽。平康巷。膝席分曹。滿座雄談馬稍。矚金吾莫收更鑰。別來時。斜倚朱闌口。偶然思著。

王西樵云風景情事渲寫如見旖旎中時露英雄本色此鄭公斌媚非溫岐裴誠之比
王阮亭云結是三昧餘子不解

丙午元夕雨

聽今宵。踈雨也。算做一年元夕。舊事流波。一往如何。覓香街馬跡。記常年燈市。鞭絲帽影。有許多相識。闌珊燈火。梅精立。雅淡衣裳。輕盈姿格。人月同時一色。便旁人

也道。此是秦虢。萍踪頓隔。怕舊時李益。昔日君平。無人憐惜。簷前點點。滴滴似替人流淚。學人悽惻。拚此去。花朝寒食。都只向雨雨風風。趁盡春光九十。紅篝擁夜寒。側側擬此情。并春柑傳與。何由寄得。

王西樵云柔情如縷讀之感人

夜半樂

春夜觀小伶演葛衣劇

任西華故事也

當時江左才調。樂安任昉。風麗推無偶。記驃騎陪軒。秘書把袖。青宮好士。朱門結客。更聞出入宮輦。翺翔苑囿。

奈玉樹人世偏難久。諸郎憔悴至此。西華東里南容北。雙漫細數平生密親懿友。葛帔誰嗟。練裙疇惜。可憐野鮮動輪。門稀漬酒。想此事將毋古今有。閱此不覺滿瀉瓊舟。狂斟玉斗。我論絕交君信否。倘然疑君再聽當筵紅豆。奠蘭簿何必籌身後。清歌且喜簾垂綉。

王阮亭云補出西華東里二句絕妙的是各手結又撒脫各手各手想此事句不覺盡情咄出冒青若云直該括在盼列傳廣絕交論二篇覺東坡括歸去來辭未免舉止羞澀

六州歌頭

邗溝懷古

江東愁客。隋苑暗經行。鶯語滑。游絲細。夾衣輕。正清明。追憶當年此際。樓臺外。鞦韆畔。棠梨樹。垂楊渚。玉簫聲。一自風煙滿日。傷心煞。水綠山青。看江都雖好。舊跡已飄零。憔悴蘭成。意難平。念寄奴去。黃奴老。今古事。可憐生。回頭望。隔江是。石頭城。草縱橫。樓船南下日。君王醉未曾醒。宮車出。晚鴉鳴。使人驚。惟有一江春水。依稀似舊日。盈盈想參軍。鮑照欲賦不勝情。此恨曾經。

小諾臯

夏雨

密灑修梧。輕敲疎竹。一雨碧天如此。正日長亭院無悒。
 羈人徙倚。滿目烟潭草閣。多少紅蘭白芷。更明珠瀉向。
 荷錢容裔。極浦沉沉。前汀瀾瀾。又小樓玉簫和雨吹入。
 愁人心裏無限事。思量起。此際凭闌幾回推枕。總是
 故園千里。忘不了水簾生寒。玉釵著水。風景而今依舊。
 無奈鬢絲不似。撩流落楚尾吳頭而已。今夜樓中明朝
 篷底。便瀟湘宋玉悲秋。未必此情堪比。天欲暮。雨不止。

王西樵云。情景揉成一片。讀之。令人心眼迷離。惟有
 歎絕一雨碧天如此。撩流落楚尾吳頭而已。造語妙
 天欲暮。雨不止。法妙。

王元亭云。讀此。覺杜司勳三守名州
 故作流落無賴之語。非陽羨比也。

寶鼎現

甲辰元夕後一日次康伯可韻 是歲元
夜月食

星橋未鎖。火樹仍放。風光清綺。渾不散游童白馬。雜杏
 笙簫闐寶砌。香奩畔。又夜情思整。笑看蘭缸結葉。漸耿
 耿金波萬頃。一派天街似水。昨夜辜負無眠意。枉費
 盡描朱刷翠。問天上素娥因甚。杳若秦樓。麗女吹倚桂
 樹。盼廣寒車騎。無質霧迷三里。元宵夜。一鈎殘月。仄在
 碧雲堆裏。幸值今宵重輪現。泰階重履。只鄒枚漸老。

何日宸游陪侍。趁良夜向春城醉。醉語如花伎。歎光景好處難圓。月也與人無二。

鄒程邨云長調正以警語撮要非姜史不能參透

怨朱絃

寄菑川畢載積使君

憶水嬉。天氣鮮新。蘭葉離離。燕子紛紛。賣饒時候。韶光妖冶撩人。樂游原上。平康曲裏。舞衫歌扇如雲。更廣陵水色。半是堆藍。半是拖銀。樓上珠軒九曲。船上湘簾四面。一樣無塵。還爭羨綠楊低處。刺史留賓。正吳娘細

膾紅鱗。玉簫作使。綉篋橫陳。小史菱花。妖童荷葉。宜笑宜嗔。嬌歌一曲。美酒千巡。忽見夕陽零亂。且隨著裊裊金鞭。隱隱香輪。早辦兩行燈火。留待參差歸騎。同入城闈。奈此日依稀。記省事已前春。

王西樵云。繡麗中玲瓏宛轉。他人決無此手筆。令人不敢僭以麗才目之。

三臺

春景用万俟雅言清明原韻

又紅闈掛殘斜月。香塵鏤完。微雨整飛蟬。一望碧虛前。見皎鏡溶溶南浦。風光汎汎。漸蘸垂楊縷。三春景如花似。

霧鞦韆社。淡日濃烟。蹴鞠隊。繡箏急鼓。料鳳城。鈿車寶
 轂。不住紛紛來去。喚桂子。小玉報花香。日煖與隔牆隣
 女。踏青須結伴。東郊路。看多少。繡簾珠戶。喜今日。滿
 院晴絲。怕明朝。一庭落絮。更杜宇。喚取春老。榆錢壓將。
 春暮。憶去年。元夜玩燈時。曾立在。火闌珊處。轉盼。又星
 橋。燃蠟炬。鬧蛾兒。紅樓紫府。休沾惹。竊玉閒愁。且安屏
 尋香公務。

王阮亭云如此
 公務定復不急
 王西樵云余為髯作答
 日此公務那得不急

拋毬樂

咏美人蹴鞠

聞道凝粧多暇。蟬髻嬌嬈。勻面纔了。瓠頰初竟。纖纖眉
 嫵。蘸畫。殺翠羽低飛。壘香閣。紅襟新乳。正好儂劇。尋歡
 小。疊魚箋。遍約嬉春女。向暖日。紅樓商。量細數。氤氳粉
 澤。喧闐笑語。莫白打鞦韆。和格五。總然無意緒。且水晶
 簾畔。斜穿鞠域。相邀同去。此際綽約。輕盈。嬌花百朶。
 瓊枝一樹。寶釵鬆羅鞦韆小。爭漾絳綃窮袴。玉醉花。欵吹
 亂紅中。幾縷一泓香雪。臨風慢舞。髣髴似。滾瓊閨絮。更

香毬將墜。最憐小玉多能。傍觀凌波微步。漸蹴罷春愁。扶髻影嬌喘。渾無語。小換輕容。滿身紅雨。

王西樵云看其步驟長調必如此方不苦局促補奏
○爭漾絳綃窮袴五句如天花亂墜小玉二句傍觀
一筆
尤佳

稍遍

咏彈箏

何處放嬌。研羅裙上一寸銷魂地。倚桃笙恰恰罷梳頭。正是懨懨天氣。上青樓。輕攏鬢。棗乍握纖筩。萬種情如水。正搭定鮫綃。粧完義甲。十二鈿蟬櫛比。對玉荷清影。

顫瓊枝。又小語流鶯上柳絲。慢撚斜搗。鬟髻衫偏。那人情味。似秋夜。楚天急雨。彈入空船裏。鼓神絃。含商嚼徵。盡伶俐。拍碎棠梨。唱殘紅豆。一雙玉剪低。還起。印粉痕圓。凝愁聲重。碧到睂峯無際。怪窗前簌簌落紅輕。墜見十五檀奴。綠窗西。要竊聽。曲中私意。不覺閣住銀篦。婉轉籌身世。種玉前緣。簸錢舊事。脉脉縈牽不已。家鄉秦隴幾時歸。此曲可憐猶在耳。

王西樵云碧到睂峯無際可敵愁到睂峯碧聚

戚氏

東程邨文友

想當年。黃公墟畔。與翩翩。盤馬雕龍。春風門巷。盛貂蟬。
 有鄒陽董相。一時賞譽重琅玕。畧記旗亭遊處。都相似。
 爾我周旋。自許上流人。爾各士。終朝蹋臂縈牽。更兒呼
 德祖。弟畜灌夫。意氣無前。憶唱綠幘金丸。風流放誕。
 並坐響鶻絃。髣髴是巷名金線。幕號紅蓮。回中下杜。油
 壁雕鞍。曾經墜粉遺鈿。狂奴減未。癡人死未。詬厲語亦
 相憐。分攜成舊雨。酒闌追省。一往淒然。同學少年。雖
 徒奈酒徒散。盡不堪言。道政坊頭。延秋門外。憶了千千

萬。論。窺。簾。映。柱。人。何。限。都。分。付。碎。雨。零。烟。念。故。人。一。樣
 艱難。總蕭瑟。江南庾子山。寫瑤琴怨。我彈未了。又怕君
 彈。

鄒程邨云十年事都上
 心頭使我不禁三嘆
 王阮亭云西樵有詩云美
 彈爭得似哀彈與此彷彿

鶯啼序

春日游平山堂卽事

三月雷塘口。多少游絲浴鶯。正瀲灩。文縠初平。金溝種
 滿芳樹。屏幕津樓斜蘸水。鞦韆春院。閒吹絮。喜夾衣初

試艇子一雙搖去。陣陣鬢絲。層層簾影。齊問平山渡。
 隔船紗裊裊。亭亭影落滌波深處。照菱花水面。明粧唱
 竹枝。風前詩句。又東園芍藥。纔紅金鈴爭護。蘭橈小
 攏。看遠徑裙花。漾塵微步。漸鋪遍。瓊瑜玉笋。飛觥春纖
 拂素。紅子低敲。青梅小摘。欄干却立。頻回顧。驀地見玉
 鈎斜。下路傷今弔古。黯然偷注。橫波此處。是隋皇墓。
 幾番。怳悵。流水東風。往事渾無據。且趁江流正滑。好放
 蜻蛉。慢搖紈扇。重歌金縷。暝翠將沉。船頭欲轉。茱萸灣
 子紅橋下。妬游童寶馬。將人覷。可憐此際。歸來兩岸榆

錢一天絲雨

王西樵云麗則鶯飛花浦警則
 動魄沁心可謂極才人之致

掃看。遠。往。裙。花。漾。塵。微。步。漸。鋪。遍。遷。輪。玉。笋。飛。航。春。緜。

拂。素。紅。子。低。敲。青。梅。小。摘。欄。干。却。立。頻。回。顧。驀。地。見。玉。

鈞。斜。路。傷。今。甲。古。黯。然。偷。注。橫。波。此。處。是。隋。皇。墓。

香。閣。故。流。水。東。風。往。事。渾。無。據。且。趁。江。流。正。滑。好。放。

通。興。派。必。西。龍。濟。木。人。之。筵。沉。醉。頭。欲。轉。茶。更。澆。

王。西。燕。云。麗。川。營。派。非。前。警。佩。趁。一。天。絲。雨。游。童。寶。馬。將。人。覩。可。憐。此。際。歸。來。兩。岸。偷。

